



聖年廣益
第七編

聖年廣益第七編目錄

第一日 一張至四張

聖帖禮

顯修

聖思

效法天神

第二日

五張至八張

聖

仙樂瑟削
瑪爾弟尼亞諾

致命

聖思

隨聖佑

第三日

九張至十一張

聖賴蒙多

顯修

聖思

讀善書

第四日

十二張至十七張

聖婦依撒伯爾

國后

聖思不賴世福

第五日

十八張至二十二張

聖厄瓦略

鐸德隱修

聖思信德

第六日

二十三張至二十八張

聖婦我德列娃

致命

聖思憂愁

第七日

二十九張至三十一張

聖亞理肋

主教

聖思先事籌畫

第八日

三十二張至三十九張

聖伯祿各伯 致命 聖思想領洗之恩

第九日 四十張至四十三張

聖女亞納多里亞 致命 聖慎交善友

第十日 四十四張至四十六張

聖婦福禮濟大同七子致命 聖忻愛世苦

第十一日 四十七張至五十張

聖伯辣多 致命 聖敬德

第十二日 五十一張至五十三張

聖若望掛白爾 顯修 聖愛仇

第十三日 五十四張至五十六張

聖亞納格勒多教宗致命 聖樂想耶穌苦難

第十四日 五十七張至六十張

聖文都辣 主教聖師 聖切想耶穌苦難

第十五日 六十一張至六十五張

聖恩理格 總王 聖聖忍耐

第十六日 六十六張至六十八張

聖女類搦爾達

童身致命

聖思真心

第十七日

六十九張至七十三張

聖亞肋叔

隱修

聖思隨聖輕世

第十八日

七十四張至七十六張

聖婦省福祿撒同七子致命

聖思隨耶穌苦難

第十九日

七十七張至八十二張

聖亞爾瑟訥

副祭隱修
全心主事

聖思聖味增爵
傳教會首

第二十日

八十三張至八十七張

聖女瑪加利大 童貞致命 聖 謹防誘惑

第二十一日 八十八張 至九十二張

聖味多爾 致命 聖 盡心敬主

第二十二日 九十三張 至九十五張

聖婦瑪利亞大肋納 聖 悔過

第二十三日 九十六張 至一百張

聖亞玻埋納 致命 聖 愛德

第二十四日 一百一十張 至一百四張

聖女基理斯弟納 致命 聖思 求永益

第二十五日 一百五張至一百八張

聖長雅各伯 宗徒 聖思 化導異端

第二十六日 一百九張至一百一十一張

聖婦亞納 聖母之母 聖思 正其所求

第二十七日 一百十二張至一百十六張

聖龐大良 致命 聖思 認已

第二十八日 一百十七張至一百十八張

聖納撒略聖瑟爾瑟 致命 聖學聖

第二十九日 一百十九張至一百二十一張

聖女瑪爾大 童身 聖救已

第三十日 一百二十二張至一百二十四張

聖亞伯東聖生能 昆仲致命 聖敬愛天主

第三十一日 一百二十五張至一百三十張

聖依納爵 立耶蘇會 聖求天主光榮

聖年廣益第七編

一 聖帖禮 顯修

警言

邇殿臺。天神已立。手捧金爐。接多乳香。厥香煙騰。天主臺前。聖經

聖傳

聖帖禮。係拂郎濟亞國之鄉農。乃父耕種為生。不安本分。嘗與匪人相近。惟母稍知婦道。撫育聖人。幼命



讀書長爲受室。但聖人決志守貞。因婚配不能自主。不得已。於娶後。私向新婦。告以衷情。豈知新婦轉生招憎招嫌之想。時出怨言。聖人目擊情形。陳明於主教。主教命向新婦明說獻身於天主。後來必蒙天主賞賜大榮大福。聖人遵命而行。天主開明新婦。卽時允諾。各守貞修。時聖勒彌正在主教之任。聖人慕名往謁。聖勒彌留學讀書。勉修諸德。聖人努力苦攻。不數年。學業有成。授鐸德權。聖人滿想僻地靜修。購屋

深山棲身一載。隨出山。周歷鄉莊。引人歸正。一心專以救父之失爲首務。後來父與岳父俱歸聖人修院。從此聲名四達。本國王病目。諸醫不效。請聖人到都。聖人伏地求主。求畢。將聖油畫十字於眼。眼病卽消。國王加恩優待。賜予甚隆。概辭不受。仍回原棲之所。患病來求者。無人不沾活命之恩。越數年。公主病重。將危。特請聖勒彌到京。因病弗往。轉命聖人代行。行至中途。公主已經去世。王卽遣官沿路趨迎。止其前。

進。聖人云。我有主教命。必該到都。既至。在公主柩前。跪求許久。命開棺。將聖油敷於五官。公主卽開目曰。因聖帖禮功勞。天主賞我復活。國王國后及宗室侍臣。見此大靈跡。廣揚天主光榮。感頌聖人大德。通國咸仰慕之。聖人卽因身病轉救靈魂。引人改過。引人愛主。未幾。仍回舊院。又越數年。預知終期已近。備行臨終禮典。瞑目而逝。時天主降生後五百三十三年。國王聞聖人去世。親率大臣。臨喪敬禮。三主教經營。

殞葬。無數聖蹟。表揚聖人之盛德奇勳。

宜行之德 效法天神

聖思 一。天神常順主命。所命之事。不拘大小尊卑。精粗遲速。常常平和。因一心只知全遵天主之意而行。不管己之得意不得意。故從無一事一時。失去平和也。汝能如此。或得所願。或不得所願。惟知有天主之意。心內自然平和。爲什麼將多少不如意之事。擾亂於心。當知道這不如意之事。決不合天主之意。奈

汝心不肯順從天主。而反欲順從自己。恐怕事事不得平安。時時不得和美。一。至潔至淨之天神。雖在污穢人之內。常常潔淨。汝知此潔淨。從何而來。因天神之本性。本心。定於順命故也。汝心順命。亦能如此。雖在塵凡。容易常存潔淨。再如救人靈魂。爲何諸事。中。最爲緊要。因係廣揚天主之光榮。所以不容遲緩。若無光榮天主之事。不肯自招凶險。惟保全自己之潔淨而已。潔淨者。必平和。汝之本心。本性。果能潔淨。

否。一。天神管顧罪人。亦如善人管顧貧賤人。亦如富貴人。爲何我們不如此愛人。較論窮富。還較論尊卑。分別善惡。還分別智愚。就是一樣的人。而彼此之禮貌不同。就是一人之身。而前後之親疎迥別。並不像天神的一視同仁。如何得有天神之潔淨平和。當知罪人亦係天主所生。與汝同類。愚人窮人亦是一樣。爲何不愛。爲何不盡心管顧。我們待人之道。不必他求。只要像天神待你。便稱愛至而仁全。聖奧斯定

曰。天主降世成人。惟望俗人爲天神。

當務之求。爲亡者。

祝文 天主以爾聖帖禮。每年瞻禮。樂我等懇祈爾。
吾旣慶厥誕日。幸師厥功勩。爲爾子耶穌基利斯督。
亞孟。

二日聖伯樂瑟削聖瑪爾弟尼亞諾 致命

警言

爾等真福已近。聖經

聖傳

聖伯多祿宗徒。既罰妖人西滿王。卽遣官拘捕。與聖保祿宗徒。同禁於監。守兵內有二人。一名伯樂瑟削。一名瑪爾弟尼亞諾。見宗徒靈跡。蒙天主默佑。向宗徒云。我們奉差看守。已九月有餘。大概國家事故甚

多。無人提起。不妨隨便出監。今所求者。我兩人情愿歸正棄邪。領洗入教。二宗徒云。因見我們所行的聖跡。要奉我們所傳之教。若果能信天主降生。受苦受難等。緊要之務。你們亦能仰邀聖寵。顯蹟化人。同在眼前者。俱一齊跪求領洗。而二聖尤爲懇切。然爲何遲滯不行。此監禁犯人之處。在石山上。監中無水存留。出監取水又難。此時聖伯多祿憐念二聖。志切情真。卽於石上。輕輕一擊。清水竟隨擊處。源源而來。從

當日至今取之不竭。是日共付洗五十七人。官拘二
聖。問曰。我聞汝奉了外國的教。不遵王法。背叛原奉
之神。是何道理。須速速改圖。二聖回云。從前不知真
假。悞聽人言。今明知天地萬物。只有一個大主宰。信
之。必得永福。背之。必受永殃。所以無煩再問。寧遭萬
死。不能改我奉事天主之心。雖有酷刑。不能反我棄
絕異端之志。官知無益。命掌嘴落齒。逼令跪拜邪神。
二聖不但不從。還背着邪神。與官分辯。官怒。先用夾

棍。後用燒紅鐵板。赤身受烙。二聖視之如飴。朗誦聖經。以謝主恩。從旁衆人內。有一教友。大聲安慰云。耶穌之人。不怕世間苦難。不久可得永遠無窮之賞。刑役曰。若肯遵依國法。就息此苦災。全生保命。二聖云。你們不知此苦之樂。故出此言。請任憑加苦。汝苦愈加。我樂愈甚。何懼之有。正在用刑之間。官之左眼忽盲。暫命收監。越三日。官竟負魔而死。其子以殺父叩關。王命近臣。將二聖斬決。時天主降生後六十八年。

宜行之德 隨聖佑

聖思 一。無數人。不知自己的來踪去跡。不明天主的救贖生存。不信天堂。不怕地獄。獨汝不然。事事無不詳明。非天主之聖佑麼。猶未已也。心存多少好意。耳聞多少好言。幾次告解時。定心悔改。如此多多的聖佑。時時不斷。爲何不隨。 一。無太陽。不能行世上之路。無聖佑。不能行天上之路。若得聖佑而不行。又何異日色已高。而安眠未醒。有何用處。今日熱心恭

敬天主。定心改過遷善。明日的熱心定心。可能一樣否。再一年半年之久。亦能如一日否。樹受春生之氣。必然綠葉青枝。若不續以夏秋之氣。豈能開花結菓。汝有一日之熱心定心。而無明日之接續。非卽無花無菓之樹耶。既然後不如先。可望升天麼。一。辜負天主之聖佑者。不能不受天主之義罰。天主預備賜你之聖佑。不得不留與別人。亦如樹然。只有枝葉而無花菓者。或斫爲薪。或燒爲火。不使其白佔雨暘地。

脉之滋膏。樹遭斫伐。人尚惜之。且或憎之。已有靈魂。而被天主斫伐。反不知自惡自憐。哀哉。眼見多少人。不隨聖佑。斷絕後恩。汝若未曾失望。還有升天之想。這就是將斫將燒。而斧斤未及之憑據。乘此一線生機。痛悔前非。勉行後效。必不致爲薪爲火。汝今如何。可懼也。亦可憂也。

當務之求 爲犯罪改悔者

祝文 天主。以爾聖伯樂瑟。削及瑪爾弟尼亞諾致

命之光榮。我等依賴聖恩。得厥護衛。懇祈爾俾我等。
仰瞻遺表。追隨恐後。望其欣然轉達於吾主之前。爲
爾子耶穌基利斯督。亞孟。

三 聖賴蒙多 顯修

警言

若受人証。天主証尤大。聖經

聖傳

聖賴蒙多係拂郎濟亞國多羅撒府人。自幼端方古
執。不與羣兒同嬉戲。方在孩提。卽能習誦天主聖經。
用心敬主。及讀書時。早有守貞之願。又恐不能。勉依
父母之命。隨俗成婚。越數年。其妻病故。遂定志不復

續絃圖。修克己潔身之德。苦服嚴齋。父母去世後。遺產甚豐。聖人只留養贍之資。餘皆週濟貧病人。且建一大院以居之。因地起息。生生不窮。現在患疾之貧人。俱有倚賴。後來亦能垂久。卽此一事。足見聖人有守有爲。佈置咸宜也。聖人卽常居院內。晝夜辛勤。飲食醫藥之類。必親身照管。苦者慰之。愚者引之。忿怒驕矜者。勸解之。在院服役之人。莫不盡心竭力。以全形神之工。見於外者。如此周詳謹密。藏於中者。更加

日新又新。特授鐸德之權。既登神品。愈切神工。事主事人。終於此院。時天主降生後一千一百五十九年。

宜行之德 讀善書

聖思 一。不該看無益之書。因內必有害。且悞光陰。又助邪魔引誘。你從前爲看閒書。白費光陰若干日。害過靈魂若干次。還不早早斷絕。喜歡留在手中。豈邪魔無法誘汝。故借此挈助他麼。 一。當知誦經時。是你與天主說話。看聖教書。是天主與你說話。既然

如此。你與天主說話。固當小心敬謹。天主與你說話。更非尋常小事。尤當十分鄭重。如看聖經。該遵行天主訓言。不啻父師之面命耳提。如看聖傳。該遵行聖人升天之路。不啻門徒之亦步亦趨。今聖經聖傳。炳若日星。汝曾看而又看否。看過之後。汝曾一字一句。遵行毋忽否。一。良心發現。係頭等好書。因別書雖好。或不認得字。或不明文理。好亦無用。惟良心之書。無人不認。無人不明。只在汝肯與不肯耳。不肯認明。

卽不肯改過。若肯每日每日。常看心書。此心書上。自然寫明所犯之罪。旣認明罪之重大。當以痛淚洗之。告解滅之。神工補贖之。定改自新之。如或不然。到那審判臺前。此本心書。必竟明明開看。同汝燒於永火中。又何苦此時好看不看。挨到審判時。不得不看。

當務之求 爲冷淡者

祝文 天主。以爾聖賴蒙多。每年瞻禮。樂我等懇祈爾。吾旣慶厥誕日。幸師厥功勳。爲爾子吾主耶穌基

利斯督亞孟。

四 聖婦依撒伯爾 國后

警言

訓吾儕。兇惡與世。彼已絕。與吾居世。廉且義。與仁。俟
吾聖望。卽大主。聖經

聖傳

聖婦依撒伯爾。係亞拉翁國王之女。乃洪嘉里亞國
聖婦依撒伯爾之甥女也。領洗時。用姨母之名。名之。
質美性良。超越於諸孩。至八歲。卽大開明悟。熱心敬

主。糲食麤衣。慎言謹行。虔誦聖經甚多。憐恤貧人。甚於父母愛子之心。有財不蓄。隨手樂施。雖生長國王之家。從不肯豫遊賞玩。遣興消閒。希圖快意。惟從事於克己之嚴規。每一主日。必守數次大齋。德行不凡。人咸稱頌之。乃父每言。國家長享太平。皆此女之德善所致。鄰邦聞賢淑聲。求婚者甚多。父遂許聘於波爾都噶爾國國王之子。弟阿尼削。于歸之時。都內士民遮道扈從。如迎送大聖人。所備婚娶之禮儀。雖極

其隆盛。視之如草芥然。惟修身克己之常規。豈特不
因尊榮而少減。且更加精進。日必早起。誦經默想。與
彌撒一臺。每七日。領聖體數次。必用四刻工夫。默想
謝恩。飯後少頃。詣堂誦經。至五六刻工夫始出。在朝
之婦女。欽其善表。莫不熱心敬主。聖婦尤自懼身居
安富尊榮。恐驕奢淫佚。由此而生。故嚴行苦尅。於聖
教所定齋期之外。平常一主日。守三大齋。若耶穌聖
誕前四主日之內。又聖若翰瞻禮。至聖母升天。又總

領天神瞻禮至。護守天神。皆常守大齋。所知之貧者。施濟之。病者撫治之。旅人缺少盤費者。量其足用以給之。真超越尋常萬萬也。一日。照看窮人之總管。遇一求哀矜之窮人。不但分文不與。反用棍擊之。將一手打傷。聖婦聞此暴吝。除嚴飭外。卽命侍前人取醫治打傷之膏藥。聖婦畫十字聖號於上。向傷處貼之。其人原患麻風。次日。癩與傷全愈無痕。又一日。聖婦爲散給窮人。裙中攜帶金銀甚多。偶遇國王。問所攜

何物。答云。玫瑰花。王命開視之。果係玫瑰花。鮮美異常。奇香撲鼻。因此聖蹟。王甚敬之。然嫌其克已太嚴。濟貧無度。聖婦各行其志。不因王之憎惡。減退神工。亦不因王之嫌恨。致傷夫妻之恩愛。故倍加恭敬。以全爲婦之道焉。侍前之人。有熱心敬主者。加意愛之。內有一人。更比衆不同。聖婦托其散給哀衿。行在外。各項之神工。同類遂生嫉妬。日加訕詈。其人惟忍耐而已。妬惡旣深。竟有妄証於國王前者。王大怒。設法

處死。卽於城外燒窰處。傳一燒窰之人。密諭云。明早遣一人到汝處。問王所命之事。可行否。汝不必回言。卽將此人。拿入窰中燒死。不可遲延。窰主奉命而去。次早。清晨。王將聖婦所用代散哀矜之人。命往此窰。問王所命之事。可行否。其人行至中途。遇一天主堂。聞有鈴聲。卽進堂與彌撒。連與三臺。爲時已久。王擬其必定燒死。卽命從前妄証之人。往窰探聽。其人至窰。問云。王所命之事。可行否。窰主見所言脗合。亟拿

入密中燒死。不移時。先遣者方至密問之。回云。已遵
行矣。遂還朝復命。王見其人。安然無恙。驚疑良久。問
曰。爲何此去多時。回云。去時。路過天主堂。聽搖鈴聲。
卽進堂望。完彌撒。又見有神。爰上臺。因而一連望了
三臺。彌撒。此係父親臨終遺命。凡遇彌撒。不得有悞。
爲此耽擱多時。王聞此語。大聲曰。此係天主的至公
至義。妄証之人。現罹顯罰。明明白白。汝係好人。未幾。
王染重病。聖婦不離左右。盡力懇勸。遇機會。卽提醒。

其料理靈魂。每言天主公義難當。到審判時。有善必賞。有惡必罰。如此勸引。惟望其臨終。可得聖寵神恩。將所行克已守齋。誦禱哀矜。各神工。俱獻於天主臺前。賜王能得善終。王崩。聖婦悲哀至極。然仰承主命。不敢過情。惟獨居室內。求主寬其罪罰。早賜升天。聖婦此時。內更守節之衣。外穿孝服。治喪已畢。克已之功。更密更嚴。每於中夜。必整衣而起。誦經五六刻。至早。連望彌撒三臺。午後至晚。非散給哀矜。卽照看貧

病若有餘工。誦經默禱。不肯有一刻閒暇之時。歷久不衰。死而後已。自知終期將至。卽預備告解。領聖體。傳終油。禮畢。棄世。升天。年五十六歲。時天主降生後一千三百三十六年。

宜行之德 不賴世福

聖思 一。世福之富貴。難得。亦難守。縱使能得能守。亦不能稱真福。併不能解憂愁。又不能增學問。更不能成人品。又萬萬不能添汝一日之生。免汝些微之

病。惟有一毫虧損。便加心內之不安。雖然如此。若將
這世福。用爲耶穌之光榮。或借高位以勸化臣民。或
因貲財而救援貧病。眼見世爵變爲天爵。世財變爲
天財。種種暫時之假福。俱變爲永遠無窮之真福矣。
只恐變好者甚少。變不好者甚多。一。不該靠親戚
友朋之恩愛。因人之恩愛。甚爲荒唐。本來如膠似漆。
忽然變愛爲仇。本來誼重情深。忽然變恩爲怨。又不
該倚靠虛名美譽之流傳。因人之好惡。反覆不常。衆

只可以鑲金。是非何難倒置。更不該倚靠強健聰明之本體。因人之力量。容易盛衰。一場小病。便減精神。轉眼韶華。便成老朽。以上所言。然耶。否耶。汝若既知人與己。俱不能倚靠。應該一心倚靠全能之天主。纔能不變不改。今你之倚靠者是誰。一。世俗之事。不能不成真福。若用得不好。還壞我應有之真福。蓋人有專心向主者。從中突然散亂之。人有小心守誠者。百計千方引誘之。雖非魔鬼。實相挈魔鬼之黨援。雖

非地牢。實直走地牢之捷徑。其壞如此。有何好處而
依依不捨耶。汝既知自己應有之真福。何不將眼前
之富貴功名。或善用之。或棄絕之。惟望天主之恩耶。

當務之求 爲生產者

祝文 至仁至慈天主。以爾聖依撒伯爾國后。最善
最良之德。化傲抗而爲友愛。變頑梗以法仁賢。伏求
吾主。賴其轉達。俾我等生前共和於今世。死後同慶
於天堂。爲我等主耶穌基利斯督。亞孟。

五 聖厄瓦略 鐸德隱修

警言

予來以活予羊。以牧厚甚。聖經

聖傳

聖厄瓦略係拂郎濟亞國人。本性善良。甫十餘歲。所行之事。卽超越老成。救人苦難。勸人改過。助人德行。大能感發人心。被化者不少。主教聞此盛名。望爲輔佐。至二十五歲。累陞鐸德。授權之後。倍切懇懃。嗣因

愛主之願不滿。遂入深山。以齋以嘿。以苦以祈。無一
知者。數年於茲。因有幾處未聞聖教。聖人出山勸化。
從此漸著德名。往來甚衆。舊居窄隘。特增置數椽。不
論尊卑窮罪。同眠同食。同坐同言。勸人以改過痛悔
爲首務。若俟臨終。卽不能補贖。如此愛人。尚招憎惡。
有主教之二人。到聖人處。見留人甚多。飲食甚豐。卽
枉言於主教云。人最貪饗。室如酒肆。大壞隱修之規。
主教信以爲實。卽差原告二人拘訊。二人到時。只云。

主教有緊要之言。聖人回云。汝二人奉差之故。我俱知道。明早同去。欸留過宿。天將昧爽。照常念經。舉行彌撒。工課甫完。請二人飲食。二人怒言申飭曰。如此早食。可是隱修的規矩麼。聖人默受不言。請一行路人同食。食畢。向二差云。攜此乾糧。途中可用。乘騎者先行。我卽後隨。未及二十里。二差口渴腹饑。內一人更疲乏。昏迷倒地。前進不能。欲少食以濟其乏。所攜乾糧。尋求不獲。沒奈何。只得坐臥道旁。以俟聖人之

至。久之。聖人纔到。見此光景。婉言曉喻云。你們斷絕
愛人之德。故天主特恩提醒。言畢。聖人求主可憐。平
地內。特發水泉。又給以攜來之食。二差豁然悔悟。向
主教前自明其過。主教疑係聖人買囑。着屬員嚴審。
道經聖堂。聖人進堂。求主施恩保全。及署。脫去外穿
廠衣。掛於太陽所射日光之上。光本空虛。竟如竿木。
端然安置而不動。官反疑爲邪術。叱云。你想哄我。難
道不遵修規之人。天主還賞你靈跡麼。聖人曰。天主

無所不知。我與邪魔。並無干涉。如此之事。自然係天主的特恩。若說我之所行。不合隱修規矩。明知德行。不專於苦難。因苦難克身之德。比不得仁愛救人之德。故遇有貧窮者。不得不竭力以賑濟之。語際。適有人抱一新生三日之兒。覓人乳哺。官曰。汝行或從天主來。或從魔鬼來。無從徵信。汝能吩咐此孩。明說父母之名。我就信汝所行。俱從天主來。如汝不能。卽係魔鬼是真。聖人憮然不樂曰。何苦如此。我乃大罪人。

安敢行此聖跡。倘此孩說出父母之名。大傷愛人之德。官命一定要說。不然。卽是哄人邪術。聖人仰天浩嘆。向孩命之曰。我大罪人。仰賴天主聖三之名。使你明明說出你父母之名。其孩以手指官曰。這就是生我之父。若問我之母名。拂辣謂亞官聞此語。心內大亂。卽伏叩於聖人足下。果然我是大罪人。望你代求天主。寬我赦我。聖人對曰。你早在神父前。直言告解。如今不能彰明較著。因你不肯告解。天主特恩。有此

舉動。你該真心痛悔。不可失望。若痛悔果真。必蒙天主寬赦。我今獻於天主。代汝痛悔七年。以補贖之。此官果然真真實實痛悔告解。終身如一日。亦成聖人。行此小孩說話之聖蹟。聲名大著。人人倍加敬愛。本國王欲舉爲主教。聖人一聞此意。求天主賞一大病。可免此行。主准其求。身發壯熱。如炙如焚。七年始退。王知其愈。仍欲舉爲主教。聖人回云。不久。就是我終世之期。惟求吾王恩命。派二鐸德。助我善終。卽於本

修院告解。請聖體。傳終油。禮畢。氣絕升天。時天主降
生後六百年有奇。國王率衆大臣。臨喪敬禮。顯跡甚
多。

宜行之德 信德

聖思 一。聖信之德。往往移山平海。治病驅魔。復活
死人。甘心苦難。汝今如何。一個天堂。一個地獄。每日
念經。都說我信我信。恐怕是隨口之言。未必真心實
信。若信。爲何不隨聖人之表。爲何不顯恭敬之德。

一。有信德者。必隨吾主耶穌。與聖人德行。有信德者。必輕世上之富貴功名。必愛耶穌之艱難痛苦。必勉行天堂之路。斷絕地獄之根。聖西彼里亞諾曰。不隨耶穌行實者。非耶穌之人。卽非天主之人。一。我們心中之信。若不隨愛主愛人之訓而行。不可以言德。審判時。必定判下地獄。是時。必有多少外教親朋。因不會沾得聖教之恩。百般指詈。何言可回。汝當反已而求。審判之日。可能當得否。

當務之求 爲聖教廣揚

祝文 天主。以爾聖厄九略。每年瞻禮。樂我等。懇祈
爾。吾旣慶厥誕日。幸師厥功績。爲爾子耶穌基利斯
督。亞孟。

六聖婦我德列姪 致命

警言

今痛乃予復來見爾。是時爾心欣喜。爾心之樂無人能奪於爾。聖經

聖傳

合二姓之好而成婚配。理當恩愛終身。然而反目如仇者亦多。惟在各人之善用。與不善用耳。不善用者。暫愛必變爲永仇。善用者。暫仇竟變爲永愛。若只稱

眼前。辜負天主玉成之恩。曷不讀聖婦我德列娃之傳。而自鑒焉。聖婦原係世家。母族更稱華胄。儀容端雅。秉性善良。熱愛天主。聖母之神工。不同凡衆。求聘多人。父母俱游移不允。獨允一鄰邦富貴人。豈知夫婿之性。與聖婦相反。此卽天主玉成聖婦之恩。增其艱苦。顯其忍德。以懲勸當時後世之爲婦爲夫者。溯自成婚後。聖婦事姑最孝。御下最慈。敬禮丈夫。極其謹慎。無如仇以滅愛。怨以滅和。夫之毒恨。與日俱增。

姑更加功。如油入火。每言爲何要娶外國之人。難道我本國女孩。竟斷了種麼。母以此責子。子不能自安其身。常常別往。聖婦每早與彌撒。行默工後。卽管理家務。教訓家人。勤事女紅。救濟窮人病人。姑見聖婦如此。亦如夫之毒恨。反以善良。轉爲惡孽。歷訴於子。夫將聖婦。交與家僕。限定每日只給麵餅少許。涼水一甌。不許過此定數。此僕素畏主人之嚴。不但遵命無違。且頻頻侮辱。所送餅水。如飼犬之狀。聖婦明知

出身世宦。不應受此欺凌。然深信苦難就是真福。不論何苦何難。皆有天主之命。不但並無怨尤。還喜歡樂受。所得餅水。雖然甚少。尚留一半。以濟貧窮。每念婚配之人。得荷隱修之苦。朝夕誦經。感謝主恩。以夫君詈罵為好音。責懲為教訓。怨聲為憐愛。在彼母子之心。原欲制死。以洩其忿恨。恐女家挾仇報復。故作此緩圖之計。逆料聖婦。自幼席豐履厚。決不能長受。少延性命。及見其久而如故。復將每日限定之

餅水減除一半。聖婦又深信養身必賴主恩。仍照舊分開。一半自用。一半濟貧。但本家雖爲仇敵。而親戚鄰居。莫不敬之愛之。聖婦見毒恨日深。誠恐後來。因我一人。兩家遭害。遂聽親鄰之勸。潛回本國。父母見之。卽同聖婦。訴明主教。主教命夫同回。嗣後必須和好。其夫口是心非。到家仍如舊法。聖婦見大勢不能保全。將生命獻於天主。自信此行。可得升天之幸。旁人。有代爲理論者。俱辭謝曰。你們不可以我爲禍患。

現在些微之難。實係我之造化。我今說明日後之事。居無何。天主全能。必定賞我大榮大福。在通國婦人之上。此言不久。彼子母。見威逼不能速死。又惱外人誇揚。密囑二僕人。致殺之。又欲使人共知此死。與夫無涉。先一日。騎馬出門。臨行。故意到聖婦房中。口言我已痛悔前非。從此必相愛和睦。我想年來。定有邪魔誘惑。我遣老嫗到房。逐此邪魔。你不可阻擋。聖婦回云。如此甚好。但有不合正教之事。我必不從。夫卽

出房遠去。次早將明未明之時。聖婦長跪誦經。二僕排闥入房。以繩爲圈。套入頸中。立時勒死。仍恐絕而復甦。擡至魚池內。沒入水中。俟熱散身寒。擡回臥榻。如睡熟一般。閉門而出。迨日色已高。不見開門。原僕照常入看。卽大聲出戶。逢人報死。鄰里聞知。羣來觀看。頸上明顯縊痕。都想是乃夫指使。時天主欲顯聖婦德備功全。靈跡甚多。其最著者。縊死之原地。變成白玉。常發大光。鄰人將房中土塊捧回。俱成寶石。魚

池之水。或飲。或敷。百病立除。墓上沾恩者。更難僕數。時天主降生後一千七十三年。聖婦升天後。夫又續絃。旋生一女。胎瞽失明。無法可醫。洗以魚池之水。陡然光明全美。與好眼相同。夫見此恩。始信先妻之聖德。悔懼交加。續妻去世後。離俗苦修。望消前罪。老姑亦回心追悔。求免永殃。似此轉移遷改。無非聖婦之忍德所致也。世之爲夫婦者。遇有艱難。果能行事不亂。甘心樂受。不獨自己成聖升天。在通國衆人之上。

還能代人補贖。變惡爲良。倘因片言乖戾。各人蓄怨。懷私。是天主賜以作聖之基。而自棄之耳。

宜行之德 聖憂愁

聖思 一。爲世俗事。不該憂愁。世俗的憂愁。亂心志。傷肉身。滅德行之味。爲別人憂。難而又難。爲自己憂。苦中加苦。但要不憂不愁。如何能毅。惟想此憂。若從自己來的。該當忍耐。果能忍苦耐繁。必能補過自新。若不從自己來的。這憂愁之內。必有天主聖命。又該

安心順受。以望天主慈恩。一。爲自己之罪。該常常
憂愁。悔罪的憂愁。必滿心志之樂而不能亂。必壯肉
身之勇而不能傷。且增添道味而不知厭倦。何故有
此效驗。因我們一日之內。罪多功少。積至死候。天主
或愛或惡。未能逆料。常存此想。自然憂慮難安。當知
真樂。竟在此真憂之內。倘以世間之假樂。消此真憂。
則將來之真樂。有何放心着脚處。可穩妥到身。
既知真憂愁。可得真福樂。難道不該憂愁麼。既知真

福樂。就是聖福聖樂。難道這真憂愁。不是聖憂聖愁麼。犯罪之憂愁。雖痛悔已經幾日。告解已經幾次。惟知不足。不知太過。所以每日之間。無一刻。不該謹防罪染。無一罪。不該痛悔。無有痛悔之罪。不該告解。無有悔解之罪。不該常常補贖。宗徒伯多祿聖婦瑪大肋納。哭罪至死。地獄雖勝於火海。當他不得聖憂聖愁之淚。竟能完全撲滅。今汝之憂愁。汝之痛淚。可能亦如前聖。撲滅本身之獄火否。

當務之求 為婦人苦難

祝文 天主。爾德能靈異中。不棄弱女輩。賜致命者
榮勝。懇祈吾等。慶爾聖婦我德列娃誕日。因其遺表。
躋爾臺前。為爾子耶穌基利斯督。亞孟。

七 聖亞理肋 主教

警言

天主平和。超越諸司。幸持爾心。爾明。於耶穌基利斯督我等主。聖經

聖傳

聖額我略都隆著述聖亞理肋老年行略。內云。良爵主教升天。衆人公舉亞理肋接任。秉政之後。德聲遠播。時總王之女。負魔甚重。差員馳請赴京。聖人入見。

王以逐魔之事求之。聖人卽退回邸舍。是晚誦經祈
主。次早入朝。命邪魔遠遁。一言立愈。王欲厚贈金銀。
多少悉如其願。聖人惟思利衆。不願利身。固辭勿受。
只求本地居民解運之酒與麥。折銀上納。以免車脚
之艱難。王卽俞允。給以官憑。回至中途。因年老力衰。
寢疾而終。時天主降生後三百八十五年。護送人等。
將聖柩。舁至本地安葬。墓前聖跡甚多。聖額我略都
隆。又云。我在少年時。患病將危。諸醫無術。蒙天主默

啓。擡至聖人墓前。求聖人轉求天主。若病愈之後。情願至死。一心爲主。棄絕俗緣。以顯聖人推恩救濟之光榮。祈禱甫完。就覺全身輕爽。未及到家。病根悉愈。舉此一端。足見聖人成人之美。沒世不忘也。

宜行之德 先事籌畫

聖思 一。世俗之事。未能預先籌畫者。心中必致擾亂。若果運籌區畫。則事事有條有理。決不能亂心。聖教之事亦然。人能預備已心。順受天主之賜。或苦或

樂。莫不心定神安。亦有功勞。汝之行事。可曾如此否。

一。人爲何事事犯罪。皆因不曾預先籌畫。故得罪。天主之事甚多。如向人說話。該重該輕。該詳該略。早有成見在心。則所言自無悖理妄談之處。所以一日之事。早晨必該籌畫。明日之事。今日必該籌畫。若說到死後之事。生前更該上緊籌畫。常想天主在在。不離心目。事事難隱絲毫。後來審判。至義至公。至嚴至察。具此籌畫。誘惑雖然利害。容易退除。

一。還該籌

畫該做之善功。請看做買賣的。必先籌畫。如何可有利息。種田地的。必先籌畫。如何可望收成。汝既為奉教之人。為何不先籌畫。如何纔得升天。如何可做聖人。汝也曾說今日悞了什麼神工。也曾嘆一日不會做一點為天主之事。汝若每日每日。不斷不斷的打算。或愛人。或克己。或辦理教中公務。奮發有為。爭先踴躍。自然無空過之日。而所算俱成聖算矣。今汝於俗算。必周詳而慎重之。於聖算。則苟且而忽略之。請

問天堂之上。能容汝苟且忽略之人否。

當務之求 爲罪人改過

祝文 懇祈全能天主。爾聖亞理肋精修主教。每年
瞻禮。加吾心虔而體安。爲爾子耶穌基利斯督。亞孟。

入聖伯祿各伯 致命

警言

導人以受痛告聖洗。洗除夙汚。聖經

聖傳

聖伯祿各伯。係協路撒稜府中第一家顯宦之子。其父原信天主。不幸早亡。母名德阿多西亞。未遵聖教。佞事邪神。伯祿各伯。原名搦搦。從母事邪。及長。母特引見總王。奏稱此子。不敢誇其才智。惟有欽崇國教。

最爲真切。王卽留爲侍衛。未幾。亞肋桑德里亞府缺員。卽將伯祿各伯補授。命到任後。必全滅天主教。伯祿各伯回云。素聞此地。奉教人甚多。防有變亂。乞帶兵二千名。王竟准其所請。時當酷暑。乘夜前行。猝然地震。大雷。全散所帶之兵。從空發聲。呼名問曰。汝往何處。欲害何人。回云。我奉總王命。往亞肋桑德里亞到任。滅天主教人。又發聲曰。據你所言。就要滅我。回云。爾爲誰。我不曾認識。語際。卽顯一水晶大十字架。

耶穌釘於架上曰。我爲耶穌基利斯督天主之子。如此受苦受難。補贖萬民之罪。伯祿各伯云。我聞總王說。天主教拜的天主。沒有女人。怎麼你爲天主之子。既是天主子。其尊高榮顯。無可比擬。何能受這樣苦。釘死十字架。吾主耶穌此時。如變化聖保祿宗徒一樣。頃刻之間。看明超性之理。豁然大悟。正因心悅誠服。俯身跪叩。影響全無。行至前途。遇一府城。覓打銀匠。照所見之十字。用銀打造。其實所造者。不過一橫

一豎。四面平光之十字而已。及打造已成。聖人捧入手中。其十字架上。明顯耶穌苦像。像旁。左右兩天神竦侍。聖人感此大恩。心熱如火。隨身恭佩。時刻不離。至協路撒稜。地方官出城迎接。禮貌甚隆。越數日。地方官向聖人言及亞辣彼亞國人。常到鄉邨。搶物劫財。爲民大害。若仰仗明威。拔除此患。大有益於地方。聖人倚賴本身。佩有靈奇之十字。卽帶兵交戰。殺死敵兵六千餘人。追奔逐北。大獲凱旋。本營不傷一卒。

朝野共昇美之。聖人明知天主大恩。惟母尚在異端。
蓋云。汝今建此奇功。當先謝國神。聖人回云。與此邪
神無涉。我之得勝。係天主耶穌庇佑之恩。當敬當愛。
母曰。你竟故違本國之教麼。聖人曰。土塊木頭之死
像。不能聽人之求。不能救人之患。隨將家中所供之
像。盡毀棄之。金銀鑄造者。敲碎散給窮人。母見此行。
怒從心起。直赴總王首告。總王慰諭云。你且放心。必
能悔改。卽命本地方官。嚴拿究問。如不肯改。追奪官

憑革除官職。動刑處治。此命付母贖回。官卽往宣王
命。聖人就將自己官憑。從容交出曰。隨便聽用國刑。
不必望我改心。官遂鎖拿至署。赤體鞭笞。血飛肉爛。
旁觀之人。見如此富貴子孫。現居顯職。又與民除害。
忽遭苦辱。至於此極。不覺哭聲載道。聖人諭云。你們
不該哭我。該哭自己。我受此艱難。可得無盡無窮之
福。你們若不改邪歸正。只想眼前安樂。必受永遠無
窮之苦。管後收監獄司名德楞嚴。感恩圖報。預備一

潔淨地方。半夜有二天神來賀。聖人問是誰。天神曰。我是耶穌差來的天神。聖人云。我係大罪人。耶穌甚利斯督。肯差天神來。我不能信。若果是兩位天神。現有耶穌聖像。可跪下。畫十字聖號恭敬之。天神就跪拜。畫十字聖號甫完。不見。聖人心中自覺非常大樂。當此感激懽懽之時。仰見吾主耶穌。親臨洒水。易名伯祿各伯。遍體重傷。立時全愈。多人見此神奇。蒙天主開心。俱信天主。官尤怒甚。將聖人送至邪廟。命拜

邪神。聖人步入廟中。當無數衆人之前。向三十座邪
像。舉手畫一十字聖號。邪像盡化爲水。一轉瞬間。變
爲空廟。有武弁二員。同所轄衆兵。莫不傾心信認。領
洗入教。官知此變。勒令弁兵反背。弁兵寧死不從。卽
斬首致命。又有十二位世家尊貴之婦女。心內愛得
致命大恩。向官明說。都是天主教。官命收監聽審。次
日。劇刑拷打。衆婦以受苦爲報恩。不悲而樂。聖人之
母。觀此堅心。必因聖人之祈求。幡然悔悟。明告於官。

曰。我先錯甚。今日擊心維。我兒所認者。真真實實。是降生之天主。從此以後。我亦信認欽崇。官想此言。恐爲救子而設。百般引誘。難變其心。暫同衆婦收監。聖人見母心歸正。棄邪。喜出望外。遂通同司獄。請一主教進監。與母親及自己。併衆婦付洗。次日。官先提問聖人之母。轉展不從。官之暴怒。猛如獅吼。先掌其嘴。齒落唇崩。繼復協同十二位婦女。一齊斬首。斬訖。官語聖人曰。你這樣行事。害已及母。兼害衆人。聖人曰。

不惟無害。且蒙大利。我母先在地獄路上。如今離了地獄。直升天堂。享永遠之福。不是真孝麼。官命鐵爬打嘴。臉齒全傷。聖人毫不介意。官受天主嚴刑。身遭熱病。兩日暴亡。時聖人監候獄中。勸化許多監犯。新官到任。好言慰問曰。我不想你聰明人。行此糊塗事。你敬的天主。生於女人之腹。死於衆人之手。受苦於十字架上。可是如此否。聖人回云。原是如此。因天主降生。取人性。以合天主性。一性是無始無終。不死不

傷的。一性是有始有終。可受苦受傷而死。我等世人。皆爲原罪所壞。惟此苦難。方能救贖等語。官無別言。再辨。只云不必支吾。一定要敬拜國神。否則照前處治。聖人曰。汝等所敬者。非神也。不過土木金銀之物。件耳。敬此物件。有是理乎。與其用此金銀。鑄造假神。引人背叛天主。何如用此金銀。助救窮人。官大怒。將自身佩劍。付一勇兵。立命戳死。此兵捧劍向前。驟然倒地。官亦發昏。不得已。仍送監中。越六日。帶出。縛手。

高懸。棍鞭如雨。流血處。以鹽擦之。聖人向官大聲曰。如此兇狠。你想害我。大錯了。加我的苦。是加我功勞。加我真福。故外身愈苦。內心愈樂。你若知道此中樂處。巴不得情愿到身。官將邪像前所燒火炭。命置聖人手內。若此火落地。就算背叛天主。敬拜國神。聖人掌火不動。惟仰天流淚曰。感謝天主大恩。增余力量。能受苦勞。收我靈魂。不能犯罪。官笑曰。你果喜歡受苦。爲何下淚。聖人曰。此淚並非爲我。可憐爾等之靈。

魂不久。就受天主永遠無窮之顯罰。隨解赴法場。聖人爲自己本國本城。跪求主佑。信主棄邪。求完斬決。時天主降生後三百八年。

宜行之德 想領洗之恩

聖思 一。汝當領洗之先。曾許與天主。嗣後不從邪魔。不顧世俗。不聽肉身情愿之事。今自領洗以來。未反此所許之言麼。領洗後。卽爲天主之子。若犯有重罪。卽爲邪魔之子。汝今願從耶穌耶。願從邪魔耶。若

願從邪魔。請問受苦受難。救你贖你者。是誰。無盡無窮。賞你真福者。是誰。凡服事邪魔者。事事必皆悖理而行。又無指望。凡服事耶穌者。處處莫非真理。又得永遠之榮。爲何甘心犯罪而從邪魔。自背領洗時之所許。一。領洗之時。天主恕爾原罪。亦免爾本身先犯之罪。今自領洗以來。怎麼樣。沒犯重罪麼。若未犯。此係天主大恩。宜感宜謝。更宜小心謹慎。若或犯過重罪。該當痛悔。該當哭告。因悔告之淚。能消本罪之

罰。一。領洗之後。身披白悅。手持光燭。且祝云。潔淨常如此悅。光明常如此燭。今汝之潔淨若何。光明若何。所言所行。像天主之人否。外教異端。知道是拜主之人否。

當務之求 爲新領洗者

祝文 懇祈全能天主。吾敬憶爾伯祿各伯致命者。誕日。賴其轉達。使吾剛健於爾名之愛。爲爾子耶穌。基利斯督。亞孟。

九聖女亞納多里亞 致命

警言

基利斯督言。充盈汝等。於諸知者。交相誨勸。聖經

聖傳

聖女亞納多里亞。係意大利亞國人。見聖教時。遭毒害。心中情愿致命。常常誦經祈禱。求得此恩。勤行各樣善功。值地方官之子。負魔甚重。口中常說亞納多里亞。爲何燒我。聞者俱不能解。父將其子。送往各廟。

求神驅遣。並無效驗。回家時。路過聖女之居。不遠。卽
離去。隨從人。擰開鐵索。奔至聖女前。大喊曰。就是你
每日誦經燒我。聖女端然不動。只吹一口氣。諭云。我
命你邪魔出去。留此人與我。魔卽遵諭遠離。父母見
子回家。問其退魔來歷。知係聖女大恩。多備金銀。踵
門叩謝。聖女不受。惟曰。若依我言。該散此金銀與窮
人。你們也該恭敬耶穌爲天主。不然。身後定受無窮
之苦。及是時。求救之病人接踵。聖女均痊愈之。惟云。

該信天主。奉耶穌之教。邪黨見信從者甚衆。陳明總
王。王卽遣官強拜國神。不然。真之大辟。聖女答曰。此
法不爲利害。不認天主。不信耶穌。受其罰者。纔爲利
害。官命鞭責。鞭後。向邪法人曰。與汝空房一間。召汝
多多的大蛇。咬死此女。我有重賞。邪法人曰。何必多
蛇。一條足矣。聖女入房。徹夜誦經。邪法人召一最凶
最大之蛇。自信容易鯨吞。豈知此蛇。蹲伏屋隅。顫慄
不前。次早。邪法人開房欲進。蛇竟乘空直上。盤繞頸

中。死在呼吸。向聖女喊救。聖女親手持蛇入地。囑令
遠遁。不可害人。蛇且俯首凜遵而去。此邪法人名瑪
爾索。目睹聖女之行。將從前所奉之邪神。所學之邪
法。概行毀棄。誠心恭敬天主耶穌。事聞於官。官將瑪
爾索。酷刑重責。勒令從邪。因守死不遵。法場斬決。惟
聖女以爲首之故。將利劍一口。從左肋。穿透右肋。延
至次日。始斬首以終。時天主降生後二百五十三年。

宜行之德 慎交善友

聖恩 一。隨善表。比隨善言更易。所以要做善人。須
交善友。蓋心中事務。俱從眼見而入。欲視其人。先視
其友。友善者。其人必善。友惡者。其人亦惡。聖伯爾納
多常謝主離世修道之恩。因修院中。都是引人熱心
敬主之事。世俗中。不但不以行惡爲恥。反以行善爲
羞。汝若於羣居同伴中。不小心謹慎。難得升天。一。
當知世難全德之人。惟取所有之德而隨之。聖安當
以此遂成聖人。此人有謙遜。彼人有仁愛。此人能克

已。彼人能勸化。此人最勤敏神工。彼人更小心謹慎。若一一擇其善者而隨之。不是聖人麼。蜜蜂採花。擇各花之精細者。採德之法。何獨不然。一。人之言行。不能無過。汝若覺其有失。不該隨之。併該回問自己。曾有此過失否。只該嚴查自己之過。不該苛求別人之失。只該看別人之失而嚴查自己。不該舍去自己而專看別人。倘或偶然見人外面顯有過失。我心目中就該轉想此人。或有別意。定不得是罪是功。如此待

人自然不致錯悞。

當務之求 爲開導友人

祝文 天主。爾德能靈異之中。不棄弱女輩。賜致命者榮勝。懇祈吾等。慶爾聖女亞納多里亞致命童女。誕日。因其遺表。躋爾臺前。爲爾子吾主耶穌基利斯督。亞孟。

--	--	--	--	--	--	--	--	--

1

十日聖婦福禮濟大同七子致命

一名亞努亞魯二名斐理斯三名斐理伯

四名西爾娃諾五名亞肋山六名味達爾七名瑪爾濟亞爾

警言

謙抑自卑聽命至死釘十字架而死。聖經

聖傳

聖婦福禮濟大係羅馬世家之女。于歸名族。生七子而寡。以一身兼父師之責。教育維勤。諸子德才並美。親鄰器重之。值時君迷於異端。黨援借勢陰謀。屢聞

七子。闡揚正教。奏請拘拿。母子八人。盡遭鎖禁。次日。先提聖婦。勒令改悔。聖婦曰。巧言固不能欺我之明。嚴刑亦不能奪我之志。天主在上。豈畏邪魔之奸狡。官責云。汝因就墓之年。死不足惜。眼前七子。亦可忍心不顧耶。回云。兒輩若貪生背正。是爲真死。地獄永殃。決不能免。倘能爲義而遭窘難。常生天國。何樂如之。越一日。母子一齊提審。官先諭聖婦曰。諸子青年才幹。必能顯親揚名。乃引其從異教以喪身。非愚昧。

節豺狼也。回云。此言似是而非。若爲有限之身。害長久之靈魂。慈心何在。目視諸子曰。兒輩此時。亟以心目仰瞻吾主。主必鑒視爾心。同諸神聖。候爾升天。毋懼虐刑。毋遭魔計。我雖老。不望吾兒之養。亦不願吾兒殯葬。惟願吾兒致命獻主。官怒其言。掌面辱之。次以善言。先誘長子。不從。用刑威嚇。其餘或勸或懲。俱不動搖。無計可施。重鞭收禁。王命殺之。以免脅從。官將七子。斬於聖婦前。聖婦又囚禁四月餘。終以不屈。

延頸受刑。時天主降生後一百七十五年。

宜行之德 忻受世苦

聖思 一。天主耶穌爲救人贖人。甘負十字架。陟山受死。汝爲自己。倒不該肩負麼。這是升天大路。個個聖人所共行。不行此路。去天必遠。故願學耶穌之人。若止於拜十字。畫十字。誦十字經。都不彀。必要情愿常負十字架之苦於身。 一。惡人亦負自己之十字。後下地獄。皆因爲自己之驕傲。求頃刻之歡樂榮光。

故情願受之。汝要得永遠之福。倒不肯受一點苦麼。
經云。審判日。惡人爲隨他自己之路。經過多少艱難
辛苦。亦下地獄。請汝將經言想。一想。與其爲自己。自
遭難受之苦。還受永殃。何如爲天主。甘受容易之苦。
又得天堂。一。不論何事。有由得自己者。有由不得
自己者。世苦人人不免。此由不得自己也。惟願受不
願受。或願爲自己受。或願爲耶穌受。這都由得自己
做主的。請看耶穌無罪。爲何受之。所以教中人。不但

該受苦。補贖自己。還該代別人補贖。就如右盜信主。忍耐苦刑。補贖已罪。卽滿升天之望。左盜因自己而受。雖苦無益。今汝忽遇艱難。或如吾主耶穌之受。或如右盜之受。或如左盜之受。由得汝自己定奪。

當務之求 爲苦難者

祝文 伏望吾主。使吾兢兢不間。敬憶爾聖婦福禮濟大等致命之榮勝。吾力弗克以合。宜誠心崇敬。祈爾。時時將吾恪恭徵忱。爲爾子耶穌基利斯督。亞孟。

十一 聖伯辣多 致命

警言

宜互相締合。如基利斯督天主榮。聖經

聖傳

聖伯辣多。係亞辣濟亞國人。幼年父母俱亡。惟願身心服事天主。將祖遺財物。施濟窮人。值聖教不寧。藉救援之力。教中增其篤守。教外亦多感化。本欲養晦以待時。乃道太莫容。被首到官。問係何人。聖人回云。

我係拜天主之人。單單恭敬一個天主。不拜你們所拜之神。官曰。我不問你是天主教。不是天主教。只問你係何姓名。回云。人俱呼我伯辣多。論我正經稱呼。就是拜天主之人。從幼服事天主耶穌。極親極愛。情愿失去生命。萬萬不肯失去耶穌。官命鞭笞。周身皮破血流。聖人甘心樂受。喜形於色。官甚異之。送監候審。監至七月有餘。官復提訊。令遍看各種刑具。諭云。若不改過。汝必完全受到。若肯順從君命。敬拜國神。

我將侄女許汝爲妻。此女本家富而且貴。成此婚姻。無求不得。聖人覆云。總因不知我本來的事業根基。故出此言。今亦不用細說。只說一句操總的話。若要背畔我主耶穌之愛。豈獨名門閨秀。不能動我之心。卽許我普天下的萬國。亦不能奪我恭敬耶穌之志願。官大怒。將預備的鐵床。用大火燒紅。命聖人赤身臥於床上。聖人尚在床講道。勸化旁人。明言此火算不得火。若不認天主。不守聖規。有日必下地獄。欲將

此火比地獄之火。不及萬分之毫末。臥至個半時辰之久。身上並無燒痕。且奇香撲鼻。衆共聞之。旁人觀此神奇。皆深信所敬者。果然是神人萬物之大主。官亦鬆口云。我今不問你拜國神。不拜國神。只問你爲何要拜那受刑受苦的耶穌。你若肯說我以後不拜了。就寬你放你。聖人回云。說什麼話。天地的真主宰。就是耶穌。生我。養我。救贖我。他的大恩。無盡無窮。若說不拜耶穌。大不合於正理。我情愿受你的刑法。斷

不肯犯背主之罪。官復怒甚。離座厲聲。命將二鐵球。燒至透紅。放於聖人心胸上。時聖人口鼻中。俱出火氣。還勸旁人離邪神。敬天主。官怒愈增。各樣酷刑。遍施無益。終以斬首洩恨。時天主降生後三百三年。

宜行之德 敬德

聖思 一。首先該恭敬天主。因吾人是天主所生。普世皆天主所管。如此恩威。不該恭敬麼。故不論何事何物。必該加意小心。如誦經之堂。供奉之物。司教之

人若不起敬起畏。何以顯其欽崇。只看國家體統。御路必稱禁地。命使必號欽差。供應內廷之物。必書上用。既知尊君之禮。如此慎重周詳。則天主臺前。更當何如敬謹。一。次該敬汝親戚。其敬之之禮。必要隨汝職分。論汝力量。寧可多禮。不可少禮。宜常存挈助之心。不宜因忽略而招罪愆。如食老扶幼。挈助在生之親戚。求主通功。挈助先亡之親戚。都係天主之命。若不如此挈助。敬禮何在。一。又該敬汝本地。因汝

父母在此地方。生汝。養汝。教汝成人。汝既知愛主。萬有之上。不該愛人如已麼。既知愛人。不該從汝本地方愛起麼。由近而遠。由親而疎。係處世之常經。今眼見多少本地人。難得升天堂。容易下地獄。何不就近救之。盡心勸之。而坐視其凶險耶。若說無力可以救。援無才可以勸引。難道不能立好表樣以感化之耶。這樣的不是。非汝之過。誰任其咎。該想天主生汝於此地。定不得就要用你照看此地之人。倘人人都有

此心。人人都可超凡入聖。倘有汝一人。常具此心。亦可使人人不致失望。這纔是敬禮本地方之要務。汝若不如此而行。生汝何益。

當務之求 爲同鄉親友

祝文 懇祈全能天主。吾敬憶爾聖伯辣多致命者。誕日。賴其轉達。使吾剛健於爾名之愛。爲爾子耶穌基利斯督。亞孟。

十一 聖若望掛白爾 顯修

警言

惡僕因汝乞我。我免。蓋憐汝友。猶我憐汝。聖經

聖傳

聖若望掛白爾。係意大利亞國人。父本武臣。雖自幼拜主。因道理未明。與同寅結怨。兄子被傷。此時若望掛白爾。無意愛仇。惟從父命。希圖報復。一日。適與仇人對面相逢於狹路。卽拔劍前迎。仇人慌張無措。下

馬哀求云。爲吾主耶穌苦難分上。饒我殘生。若望掛
白爾一聞耶穌苦難之言。竟手軟心慈。收刀稱謝曰。
前仇盡釋。自今以後。和好如初。回身走入聖堂。向苦
像前。誦經獻主。仰見苦像。點首數次。明顯愛仇之德。
主甚嘉之。此像迄今猶寶存焉。蒙此寵恩。遂立志離
家。托身修院。父不樂從。往院追回。聖人迫切跪求。力
言世福皆虛。事主修身。人之本分。父忽動心。允許。爲
時未久。大顯德名。如誦味恭良善。克已熱心之處。無人

可比。默想誦經。守齋勸化。服役苦身等事。無流可尋。一年後。欲再加嚴密之工。與一同志之修士潛入深山。遇二隱者。共相砥礪。居無何。慕名來學者漸多。搆院以居。不斲不巧。惟蔽風避雨而已。公舉難辭。勉爲院長。酌定嚴規。請教宗命。初嫌太過。後知有天主之意。命下准行。且大行於別地。聖人憐貧特甚。有求必與。常罄其所存者施之。從不却一人。往往食盡計窮。忽來接濟。從不少一餐。一少年欲歸修院。詣聖人前。

總告解。將二大罪。諱而不言。聖人蒙主預照。明責之。彼始懼悔。教宗第九位聖良。聞名枉顧。猝然無備。近有一池。人人知其並無鱗介。聖人命人下網。竟得二大魚。以充餽饌。年七十有四。預識終期。全受教中成禮而逝。時天主降生後一千七十三年。歿後。公行亡者禮儀。衆聞空中神樂。至葬而後止。墓前靈跡最多。

官行之德 愛仇

聖思。一。耶穌以聖言聖表。教人愛仇。在十字架。

求聖父赦仇。人隨此表。不論何罪。主必寬恕之。我們
不該寬恕仇人麼。所以愛親戚。愛朋友。人盡能之。間
有愛仇之愛。非真心拜主者不能。一。主訓人曰。汝
不恕仇。主不恕汝。今每日早晚誦祈曰。而免我債。如
我亦免。負我債者。此言須內外俱真。若因親朋面上
或因自己無能。沒奈何。口中說一句寬恕的話。其實
忿恨愈深。似此內心不對外言。可謂愛仇麼。可說得
是效法耶穌的聖言聖表麼。一。主云。若免他人之

債。必免汝所犯之罪。此係天主親口之聖言。敢有疑
惑麼。主又云。能認己子者。必享其利。請細繹之。非卽
恕罪之利麼。非卽升天永賞之利麼。汝爲何藐視聖
言。不隨聖表。而自罹凶禍耶。

當務之求 爲仇人

祝文 天主。以爾聖若望掛白爾。每年瞻禮。樂我等。
懇祈爾。吾旣慶厥誕日。幸師厥功勳。爲爾子吾主耶
蘇基利斯督。亞孟。

十三 聖亞納格勒多 教宗致命

警言

爾儕宜知。惟一耶穌基利斯督。聖經

聖傳

聖亞納格勒多。係格肋西亞人。秉質聰明。端方謹慎。聖伯多祿宗徒傳教時。沾恩領洗。從副祭累陞鐸德。化人甚衆。教宗聖格肋孟多謝世。衆共推尊焉。值教中大難。憑陵致命者甚多。然奉教人日盛。如種子然。

一種入地。傳生千百。聖人明知天主特恩。卽位後。宵衣旰食。勵志精勤。以堅固衆心。奮興神勇。爲首務。命奉教人。凡與彌撒。必領聖體。加靈魂之力。不預備者。弗令進堂。又定一潔地。葬致命聖屍。國法欲盡除聖教。死義者接踵。聖人目擊時艱。勸勉不遺餘力。知係教化之宗。謀殺之時。天主降生後一百一十年。

宜行之德

樂想耶穌苦難

聖思 一。汝旣知謙遜爲美德。爲何不學耶穌的謙

遜耶蘇在十字架上。不必提天主的尊榮。連人類中的臉面。完全喪盡。第一。夾於兩盜中。明係極惡窮凶之犯。其次。露體赤身。皮開肉綻。竟同燻剝之犧牲。再者。異口齊聲。毒言恥笑。這樣的卑污輕賤。負屈受冤。誰能比擬。且數日前。衆人迎接。何等尊榮敬愛。以體面之後。而卑賤忽加。更係不同之辱。爲何耶蘇將此不堪之卑辱。全聚於至尊至貴之身。無非去汝之驕傲。增汝之謙摛。盍不返躬自問。我無耶蘇毫髮之尊。

倒不能受耶穌毫髮之辱。真謙何在。一。汝亦知忍耐爲美德。爲何不學耶穌之忍耐。耶穌非真天主耶。到了十字架上。從旁無人不加害。本身無處不被傷。萬苦齊攢。諸醜並集。豈獨不懷怨恨。且甘心樂受。捫舌無言。倘耶穌欲消此苦。不勞轉瞬。惡黨雖多。肯滅卽滅。刑具雖嚴。肯毀卽毀。爲何耶穌操此容易之權。定心不肯。無非教汝用忍耐以勝苦辱。不欲使汝恃肉情而忘忍耐。盡不返躬自問。耶穌能免而忍受之。

我不能免。而比之耶穌忍耐。反無萬忍之一毫。可算得是耶穌教內之人麼。一。汝更知聽命爲美德。爲何不學耶穌之聽命。耶穌在十字架上。爲聽聖父命。因而亦聽古司教命。如德亞各官之命。併仇人之命。且聽諸命。如聽喜慶恩榮之命。不懼不憂。不悲不畏。與勉強擔承者迥別。盍不返躬自問。我之父母上司。曾有如此艱難之命否。有此艱難。曾如此順從否。只怕些小艱難。就不肯順意遵從。還生出許多抱恨不

平之氣象。果然如此。該向耶穌苦像前抱恨。吾知此時。耶穌憐爾愚懦無知。必有無聲之聲。面命耳提曰。汝欲享我之光榮耶。爲何不同我謙遜。不同我忍耐。不同我聽命。請問汝心。將何辭以對。

當務之求 爲在教人常存熱愛

祝文 全能天主。垂盼吾劣。爲本行重任屈壓。賴爾聖亞納格勒多致命兼教王。轉達得厥護翼。爲爾子吾主耶穌基利斯督。亞孟。

十四 聖文都辣 主教聖師

警言

謙抑自卑。聽命至死。釘十字而死。聖經

聖傳

聖文都辣生於意大利亞國之巨家。四歲時。一病幾死。父無救法。母惟立愿求五傷方濟各聖人。代求天主。留此生命。長成之後。必獻入聖人修會。正在危急之間。立時不藥而愈。從此用心撫育。教以熱心敬主。

至讀書之年。智慧出羣。加以僻性好觀經籍。故歷時未久。博學過人。然每日神工。必遵母教。按時規課。不肯因章句而或踈也。年二十一。欲成母愿。求進聖方濟各會。進會後。一心專向天主。舉動大不同於世俗之人。其師每言元祖所犯之罪。好像不曾傳染過的。因其謙和遜讓。克已卑躬。出自性成。不加勉強也。遇卑賤苦勞。則喜生望外。聞稱揚美譽。若利刃刺心。善則歸人。過則引咎。從不肯將好處。直言自巳。偶有該

說自己之事。必先自貶自卑。故人人尊其爲聖。爲師。然不敢當面稱呼。惟有私心嚮往而已。聖人猶願衆人。俱有此謙德。每因耶穌苦難。聖母立十字架旁。發其精妙之論。著述等身。至今奉爲典訓焉。愛人之愛。過於他愛。明知挾仇懷忿之人。猶喜勸化而服役之。默想神工。尊高無比。皆從耶穌處世。十字架上苦難出來。所以淚眼常流。痛由中發。倘旁人見之。未有不被其感化者。恭敬聖母。更不同尋常熱愛之心。越數

年。院長見聰明超等。命往拂郎濟亞國都城讀書。大學中。遂與聖多瑪斯相遇。赴考。成名進士。年甫三十一歲。在本會中。內德外才。俱推第一。至三十五歲。卽爲會中總統。事務雖煩。經理只覺其從容。尚有餘工。著書立論。聖多瑪斯曾問汝學從何而來。聖人手捧苦像。回云。凡有一點學問。俱從此而來。我不過代爲鈔錄而已。心中滿望普天下。盡此地球之人。無一人不信天主。無一信主之人。不守聖規。聖誠。故多差會。

中鐸德遠遊各國。聞有聲教未通之處。莫不航海梯山。開關前進。時教化王座前七十二位主教中缺人。卽以聖人擢補。不獲固辭。後往呂低農府頒發教事。小病數日而終。時天主降生後一千二百七十四年。

宜行之德 切想耶穌苦難

聖思 一。聖文都辣爲耶穌苦難之門徒。一生著書的學問。皆從耶穌五傷內出來。天主愛人。看苦像而極其至。吾人以愛還愛。不該從苦像中而發愛主之

心耶。汝今愛天主否。若說不愛天主。此言難以出口。
若說愛主是真。此言亦難出口。耶穌爲救你。受盡許
多苦難。以彰其愛。你爲救自己。至今所受者何苦。受
苦未能。何愛之有。一。聖文都辣欲全謙遜之心。喜
卑喜賤。併喜服事仇人。你曾如此否。不必說你全無
謙遜。卽有時面。面謙光。言言遜讓。未知汝心相對否。
卽係有心謙遜。而事務忽來。由不得自己作主。驕色
傲言。一齊並發。片刻之間。喪盡多年品行。若一生能

享正大之光榮者。當從文都辣聖人之法。只看耶穌
爲你受苦受難之像。注目存心。弗聞弗違。則驟來之
驕傲。未有不滅除者。心內之真謙。未有不保全者。汝
何舍此而不知。一。聖文都辣看耶穌之苦像。學愛
世苦。且晚求之。中心喜之。神形俱樂從之。你會如此
否。不必說你求苦樂從。且用了多少法。遠離苦難。若
離不去。還生抱怨之心。竟把天主恩賞之苦。補救靈
魂之神藥。爲禍爲凶。爲冤枉。皆因不會受教於從前

之大聖也。只看文都辣聖人。爲救靈魂。見有苦難到身。喜形於色。感謝不遑。你難道不要救靈魂麼。欲救靈魂。必隨耶穌受苦。除了此法。別無穩妥之方。願與不願。憑汝自裁。

當務之求 爲聖方濟各會

祝文 天主。爾使聖文都辣。爲民永福之司。懇祈爾。伊在世旣爲吾教師。在天幸爲吾主保。爲爾子吾主耶穌基利斯督。亞孟。

二十五 聖恩理格 總王

警言

療厥病。乃語伊等曰。天主國臨矣。聖經

聖傳

聖恩理格係巴娃里亞國國王。初為儲君時。自幼受洗於主教聖阿爾方阿之手。稍長。即受學於主教之門。及主教去世。聖人已二十四歲。聖阿爾方阿復顯容面諭云。過了六。此聲甫畢。寂然不見其形。聖人展

轉尋思。定不得過了六日。係我終世之期。此六日內。時時預備。不比尋常。及期。竟平安無恙。又想或是六個月。亦未可定。每日精勤。不容少懈。六月已完。仍無變故。復思此言。斷無不應之理。必係六年始驗。遂奮勉勵修。日新又新。滿望身清靈潔。可享主恩。此六年內。直造聖人之域。甫滿六年。至第七年首日。熱爾瑪尼亞國王等。公立聖人爲總王。纔知道阿爾方阿所諭過了六之深意。且人人歡躍。莫不樂從。聖人明知

天主定命，不敢再辭。卽位後，統率臣民，守規敬主，以盡爲君之本分。極其慎重周詳。且大婚後，同愿守貞。有聖人之弟，所行大悖於理，造言妄證，勾引外邦，誘人作亂。聖人知之甚悉，因治國之法，俱從耶穌苦像而出。故謹隨耶穌表樣，平心友愛，以待其弟。越數年，聖人忽病沙淋，醫藥罔效。求聖本篤轉求免患。一夕，夢聖本篤將陰囊內大石取出，交與聖人。醒後，果然石在手中。病亦全愈。卽詣羅瑪府聖母堂，誦經時，吾

主耶穌親臨堂內。聖老楞佐。聖文南爵。分列兩旁。聖母十二宗徒。無數聖人。四圍環繞。一天神。奉耶穌命。到聖人前。諭曰。天主用此大恩賞你。爲你童貞。爲你愛義德之心。聖人喜出望外。踴躍歡欣。感惶無地。誦經畢。出見教化王。卽以此告之。並爲頌美。從此回憶光榮。常存心目。愛主愛人之工。有加靡已。聞洪阿利亞國。屬在鄰封。未聞聖教。聖人將一熱心之女弟。嫁與國王爲后。藉此婚姻。作開教之基。果然女弟勸王

領洗不久。通國臣民莫不欽崇天主。年五十二歲蒙
天主默示。一面預備臨終之禮。一面往請王后本國
中之王。係王后親戚。既至。聖人持王后手。送還其親
戚曰。承你們許我爲后。一同恭敬耶穌。今還與你們。
仍是童身。後來由他主意。亦由得你們。此王后卽聖
婦古尼公德也。言畢。瞑目而逝。時天主降生後一千
二十四年。升天後。聖跡甚多。人人信服。還有一人頓
生疑惑。轉瞬之間。兩目俱盲。此人素敬聖阿爾方阿

卽跪叩哀求。聖阿爾方阿顯示曰。汝英因疑恩理格。聖人之靈蹟所致。速向聖人謝罪求饒。始能痊愈。一聞此諭。痛悔前非。籲求寬恕。眼遂復明。教化王照例。查明聖人行實。定入聖品。忽有一位。係七十二位中之主教。獨言此行尚早。該察明再議。言出。便成雙瞽。明知天主顯罰。在衆人前。自陳錯悞。極口贊揚聖人。補贖妄言之罪。天主鑒其誠切。俯賜仁慈。目明如舊。

宜行之德 聖忍耐

聖思 一。心內憂愁。是頭一件不平之根。艱窘難當。痛苦難受。默想工夫。難得滋味。各樣神工。難得齊全。雖然如此。心內不該紊亂。難道你的憂愁。可比得吾主耶穌山園內的憂愁麼。既然比不得。爲何不隨耶穌的表樣。耶穌用此大忍耐。成就了無窮無盡的神工。你不能用此小忍耐。成就一己之神工。還要因此間斷。是明明以憂愁待憂愁。而不肯以忍耐待憂愁。故皆無益而有害。若能以忍耐待憂愁者。一切神工。

遇憂愁而更勉。此時雖無聖味。具有功勞。汝爲何不
強志以成之。一。當知天主許人。有此憂愁。大有深
意。或爲罰在先之冷淡。或爲罰已犯之過端。或爲罰
眼前不肯盡心預備默想之神工。汝能知道此中深
意。必能熱心仰承聖味。勤敏神工。非聖忍耐耶。然天
主特特之恩。有時而賞。有時而收。欲人明知本性之
窮。故惟有逆來順受。以當苦境。汝若果能安心忍耐。
旣可以感動天主之仁慈。亦可以補贖本身之過犯。

汝爲何不勉力以當之。一。汝果能強志以成忍耐。勉力以當忍耐。此時必從新得蒙聖味。就該回想憂愁駢集。不是無因而至。天主全知。纖細難逃。明鑒。必係平日所思。或亂而不專。所言。或泛而不切。所行。或懈而不恆。實心痛悔。求主寬容。將見一概憂愁。都不能勝我之忍耐。非聖而何。明知罪人在世。不該先受大恩。故不獨不賞。且更增之以苦難。迫之以災傷。乃常有之事。無足怪者。只看汝之忍耐與不忍耐耳。然

當知忍耐之聖。必由心聖而來。心之聖。又必由忍耐之聖而顯。假令憂愁猝然而至。慌張無措。汝爲何不用聖忍耐以待之。

當務之求。爲冷淡者

祝文 吾主天主。以爾聖恩理格在世爲總王。升天爲至聖。我今求主。俾我等脫離世幻。棄絕虛榮。仰瞻先王先聖之儀型。長愧有守有爲之不力。惟期潔淨以全貞。同享永安於天國。亞孟。

十六 聖女類擗爾達 童身致命

警言

求盡所司者。卽忠也。聖經

聖傳

聖女類擗爾達係公侯之女。自幼唯知敬主爲樂。一切人世之事。無可悅心。其母大德不凡。常言世福之虛。助其學力。所以一舉一動。莫不從容中道。並無勉強。自定每日之常規。非世俗人所能幾及者。貲財雖

富。華服不衣。日只一餐。惟大麥餅清水而已。且少畱
其餘。週濟貧窮。更嚴齋以克己。代婢以苦身。擱版而
棲。寤多寐少。統一晝夜計之。竟有大半工夫。在聖臺
前。誦經默想。縱身或暫離。而心之依戀。確然知其無
時。間斷也。言語之中。皆是愛主愛人。不肯空勞唇舌。
年復一年。莫不如是。德名廣播。人人以聖女稱之。聖
女本性謙卑。難當人譽。遂定志離家。只用僕婢二人。
隨往日路撒稜。朝拜耶穌。苦蹟。居此九年。每日常往。

加爾瓦略山。或降誕之地。到必呼號哭泣。默想聖恩。九年後。得聖十字架上寶木一塊。又得聖母寶衣一片。卽賣回本處。行許多聖蹟。越數年。天主將致命之恩。成全貞潔之德。有極北野兵數萬。入境殘傷。教中被害者甚多。人俱逃匿。聖女不肯隨行。向衆曰。若我怕失卑賤罪污之性命。不肯爲吾主耶穌光榮。後來審判之日。無言可對。果能在此失命。係我的大造化。頃聞野兵已到。卽往堂中。在聖臺前預備臨終。野兵

蜂擁而入。聖女端然不動。被害而死。時天主降生後
六百八十年。

宜行之德 真心

聖思 一。人之靈魂。如一塊地土然。倚賴吾主耶穌
汗血灌溉之。釘鎗鞭茨耕耘之。必該發生仁愛潔淨
克己之菓。以報耶穌之指望。若所結者。係驕忿貪姪
怠惰之菓。難道不怕耶穌赫然義怒。斫伐火焚。絕其
生活耶。 一。吾主耶穌。以葡萄比善人。要結好葡萄。

須削去餘枝。不削。不能結甘美之菓。欲爲善人者。何獨不然。天主不賞人以苦。不能結天堂之菓。人不能受天主所賞之苦。恐難免天主之斫伐。併難辭地獄之火焚。怎麼望得天堂。一。吾主耶穌。以升天比之造屋。信德謙德。其基址也。牆垣。其望德也。蓋瓦。其愛德也。若信德不實。謙德不真。望德不堅。不切。是外無牆垣。內無基址矣。何愛德之有。今汝之信望愛諸德。實耶。堅耶。真切耶。惟想世俗之事。不想永遠之天堂。

真心何在。

當務之求 爲農人

祝文 天主。爾德能靈異之中。不棄弱女輩。賜致命者榮勝。懇祈吾等。慶爾聖類。搗爾達致命童女誕日。因其遺表。躋爾臺前。爲爾子吾主耶穌基利斯督。亞孟。

十七

聖亞肋叔

隱修

警言

凡愛父母。踰於愛子。弗享子。又愛子或女。踰於子愛。弗享子。凡弗持其十字架而從子。弗享子。聖經

聖傳

聖亞肋叔。係羅瑪巨家之子。父名歐弗。母名亞嘉貴。而乏嗣。求主甚誠。既生聖人。用心教育。文學道學。淹貫無遺。及長。聘娶成婚。是夕。結褵禮畢。正親朋讌集。

之時。聖人亟思保全棄俗守貞之素志。將戒指一對。大帶一條。送於新婦曰。畱此以爲後來之證。至於我之志嚮。我之行事。此時未可說知。異日自然明白。遂退往別房。祈主加祐以玉成之。良久。隨便攜金銀珍寶各少許。微服出門。渡海而東。至亞細亞洲。厄得撒府。親朝城內所存耶穌真容。卽爲久居之計。將所攜金銀等。盡施窮乏。換服乞人之衣。匍匐聖殿前。或街市中。求人施濟。自贍之餘。轉濟他人。歷十七年。如一

日也。家人各國訪求。覲面不能認識。聖人且就乞焉。因容貌語言。與前迴別。故聖人明知家人而弗避也。十七年後。一司教默想中。聖母諭云。此乞食少年。惟見其貧。孰如其德。從此聲名籍籍。聖人視爲隱害。聞達爾西府。有保祿宗徒聖殿。遂航海往朝。卽欲暫居以避人之稱譽。豈知中流風逆。飄至聖人本國。泊岸入城。朝拜各聖堂。路過本家。卽抵門求乞。適父出門。遂從旁跪訴云。乞食窮人。無地可容一宿。求賜仁慈。

憐救。收我於閤房廢屋中。食我以殘羹剩飯。感恩不淺。父憫其言。留住廊房。命人給食以度其生。聖人見閤家上下老幼男女。無一認識者。明係主恩。不勝感激之至。從新增工策勵。屢受家僮之撻詈。不怒而喜。目擊父母之榮華。室人之賢淑。聖人理勝於情。毅然堅守。不爲動搖。如是者。又十七年。天主預示終期。聖人謹依主命。備寫一生成婚別婦。出外還家之來歷。手中謹執此紙而終。未終之前數日。教宗舉行彌撒。

國王大臣俱集。盜中忽大聲曰。爲我而服勞受苦者。我必迎之慰之。衆皆驚懼。稽首求憐。頃之。祭臺上大。聲曰。爾等須速訪聖人。懇乞轉求。都中可獲平安。此聖某日某時升天。共聞此語。人人察訪。並無踪跡。至所定升天之日。上下諸人羣集聖堂。聖人之父歐弗亦在其中。定時將至。驟發大聲曰。聖人現在歐弗家。王向歐弗曰。汝家懷寶而自迷耶。卽親幸其第。歐弗先疾趨而歸。一僕稟云。吾家無人可以想像。惟所留

廊房居住之乞兒。舉動不同。得無是乎。歐弗卽趨至所居之處。見聖人以衣覆面。啟衣視之。生氣雖絕。大發異光。美容如天神。手執之字。取之不釋。歐弗速命人移屍於中庭。時教宗國王俱至。禮畢。教宗命聖人自釋手書。國王命侍臣高聲宣讀。所寫父母新婦。及自己之姓名年歲。併指環大帶之密事。詳備靡遺。歐弗抱屍慟哭。母媳聞之奔赴。其倉皇哀迫之情。涕泣呼號之苦。非言語所能摹擬者。教宗命送聖屍於宗

徒聖伯多祿殿中。因士民擁擠。爭先拜謁。無法前行。王命多人。將銀錢擲地。以緩其勢。豈知士民望恩心切。皆棄而不顧。其時近聖屍者。聾卽聽。啞卽言。病卽愈。經久始能奉屍入殿。七日內。父母新婦。晝夜不離。叩拜之人。四方雲集。七日後。昇葬於別堂。朝暮受恩者。至今不絕。時天主降生後四百四年。

宜行之德 隨聖輕世

聖思 一。聖亞肋叔在大富大貴之本家。爲安貧守

潔之德。若苦志不堅。貞心不淨。安富尊榮之念。或有
些微搖動。只要一言出口。何求不得。今汝未必有聖
人之世福。爲何不學聖人守潔安貧。聖人之世福。現
在眼前而不受。汝之世福。毫無影響。而妄求相去。奚
啻天淵。究其故。因汝心全在功名富貴。不想天堂。不
怕地獄。明知此身必死。仍然戀戀不休。若以篤信之
德。默想超性苦身之大道。何難離世福而享天榮。
一聖亞肋叔。爲全滅愛貨財。愛體面。愛快樂之心。回

居自己本家。受辱於家人之手。至矣哉。聖人之志。大矣哉。天主之恩。若無天主大恩。誰能有此力量。誰能安守十七年之久而日增其樂。今汝不說自己立志不堅。稍有過犯。只說是別人誘感。世俗牽連。鬼魔肆惡。爲何不取聖傳而熟思之。人之誘感。莫甚於少婦。世之牽連。莫甚於家財。魔之肆惡。莫甚於驕奢忿怒。惟聖人件件擺列眼前。總不能移其定靜之常。汝能比其萬一否。一。聖亞肋叔臨終時。樂莫大焉。榮莫

甚焉。世俗肉身魔鬼。俱不能滋其隱害。因一生所有者。窮耳。潔耳。卑辱耳。若曾享過本家福樂。臨終可有此榮。此樂麼。今汝若情愿得一善終。該當定志以求。欲得所求之恩。該當隨聖人守潔安貧之德。

當務之求 爲臨終者

祝文 天主。以爾聖亞肋叔。每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基督。利斯督。亞孟。

十八 聖婦省福祿撒同七子致命一名德肋生爵二名儒里亞諾三名

厄默素四名比里米底五名儒斯底諾六名斯達得窩七名歐日爾

警言

凡保厥生命。必失之。為我而失之。則得之。聖經

聖傳

數日前。有一母同七兒致命之傳。今又有聖婦省福祿撒。以自己表樣。勸引七兒致命之事。聖婦係致命聖人日都略之妻。生有七子。自父致命後。母子同離

羅瑪。避居山洞內。未幾。邪黨逢君之惡。用此山洞。建廟崇邪。勒令母子改敬國神。聖婦堅執不從。王以好言勸慰。聖婦回云。我係日都略之婦。我夫爲耶穌致命。與我這好表樣。爲妻爲子者。敢不從之。不必望我改變。我心情願受苦。斷不肯舍我所愛之苦。拜我所惡之邪神。王曰。若不敬國神。卽將汝等祭之。聖婦曰。我們不祭邪神。王亦不能用我們爲祭。就將我們宰殺燔燒。倍加邪魔之苦。王命人押至邪像前。勒令跪

拜。聖婦強如前，披頰掌嘴，唇齒俱傷，旋取大石，縛於頸，沉水而終。迨聖屍浮於水涯，聖婦之弟收回殮葬。聖婦致命後，滿望七子懼苦順從，豈知克紹家聲，堅逾金石，大忠純孝，萃聚一門，或斬，或絞，或刺心，或斷手足，七人俱受虐刑，慘死。王命創一大坑，共埋之。越數日，教中人設計取回聖屍，按規殮殮，葬於母墓之側。時天主降生後一百四十年。

宜行之德 隨耶穌之苦難

聖思 一。聖經內。屢言人該恨自己。該負自己之十字。該克所願之意。該強勉求得天上福。人能從此聖言追究。必能明白升天全在克己。聖奧斯定曰。惡人初愛自己。終恨天主。善人初恨自己。終愛天主。且說越愛天主。越恨自己。若讓自己之願而不知恨。斷天主恩而不知愛。則肉身所願。必滅天主聖佑。今汝心如何。一。克己者。須斷去各樣不許你遵守十誡之偽樂。絕去各樣不許你奉獻十誡之私愛。請看聖婦

省福祿撒不以僞樂失真樂。不以私愛奪聖愛。情愿將親生七子。俱獻天主。故能樂無罪之樂。愛有功之愛。從前做聖人者。莫不如此。汝當小心省察。不斷僞樂者。不得真樂。不絕私愛者。難蒙聖愛。一。天主耶穌。爲免汝永罰。受苦受難。補汝之罪。汝爲補自己之罪。反不該受些微之苦麼。且苦難中。現有神樂。克已時。自發愛情。與僞樂私愛。大不相同。非過來人。不能知道。汝欲自知其妙。亦不必像聖婦。竟斷絕七子生。

身之私愛。只須小試行道。將汝愛吃。愛穿。愛榮華。愛財利。愛酒色等。身外之嗜欲。查明斷絕。果能私愛悉除。聖愛必油然而至。其神樂與聖婦同。請嘗試之。

當務之求 爲初學者

祝文 伏望吾主。使吾兢兢不間。敬憶爾聖婦致命。省福祿撒等。得勝之榮。吾力弗克以合。宜誠心崇敬。祈爾時時將吾恪恭微忱。爲爾子吾主耶穌基利斯督。亞孟。

十九 聖亞爾瑟訥 副祭隱修

警言

凡廢一微誠。如是誨人。在天國爲微末。如凡躬行。並
教誨。在天爲大。聖經

聖傳

聖亞爾瑟訥。係羅馬舊家之子。家本善良。貲財豐裕。
聖人聰明好學。聖教之書。世俗之書。旁求博採。總置
案頭。數年。學就名成。無有出其上者。時總王欲訪明

師以教儲君。教化王特薦聖人。總王一親道貌。不勝
仰瞻。再領德言。愈加欽服。命二子以父事之。固辭不
獲。且云。我身責子之權。盡付與汝。嗣後不可視為總
王之子。惟行父師子弟之規。倘我子不遵。我必重責
之。聖人受此寄托之重。加意栽培。慇懃工課。內聖外
王之學。兼備靡遺。一日。總王突然而至。見小王端坐。
師反拱立。總王怒問曰。爲何不用父師之權。聖人曰。
受業蒙童。應居弟子之列。但二王尊位。係國家名分。

不敢紊也。總王曰。誰命爲王者。我能令其在臣民之上而稱王。豈不能令其在父師之下而爲弟子麼。卽命兩兒脫去王服。更換常衣。向聖人曰。從今不可視爲王矣。後來果然進德修業。復其王位。聖人心甚不安。數月之久。如疚如焚。無已。求主開明。後來如何行止。正當迫切苦求之際。明聽空中呼名而諭曰。離去都城。遠開世俗。可以救已。聖人一聆主命。滿心歡樂。盡棄其書籍貲財。當夜卽行。密奔厄日多山內。一苦

修處。求其容納。極順極謙。受人訓誨。狀若鄉農。獨居
小洞。往往徹夜誦經默想。不過歇息一二刻。每云。欲
爲耶穌門弟。一夜只臥四刻足矣。或坐。或行。或有別
務。不離默想。瞻禮七。預備主日領聖體。自晝至夜。虔
誠默想。黎明到堂恭領。每於僻地誦經。避人耳目。隨
心默想。惟期仰合天主而已。痛悔前非。淚流如注。院
長嘆云。此時涕泣。能免後世哀號。同人莫不嘉美之。
齋克甚嚴。一年不過食麥一斗。自離京後。總王差人

各處訪求。並無踪跡。嗣王卽位。係聖人弟子。始有風聞。差人賫書。求恩轉達天主。加佑嗣王智勇才能。家齊國治。保佑地方無災無害。長享太平。言詞懇切。聖人披閱再三。面陳來使云。我必如王所請。求主加恩保佑。但我年來。早以死人自視。不能回奉數行。惟冀代申此意耳。越數日。因聖人至戚。遺有產業。特將文契送與聖人。聖人問曰。我這親戚。係何時棄世。來人復云。將兩月矣。聖人回云。彼死纔兩月。我死已幾年。

何能再收此瓦。來人惶悚而去。聖人末年。常自問自
已曰。汝爲何來此僻地。汝爲何離開世俗。非爲恭敬
天主麼。非爲要做聖人麼。今汝之行事。可能鬚鬚聖
人之行事麼。如此自懲自省。每日不斷。邪魔妬其大
德。無所不爲。以圖惑亂其心。有幾次。在洞現形恐嚇。
或肆威毒撻。聖人從無疑懼。惟曰。我主天主。我無好
處。可到聖威臺前。只求憐我軟弱。賞我聖恩。從此起
頭服事我主。邪魔往往聞聲遠避。又有時。感化同修。

之侶。常用比方開導曰。洞內一苦修人。聞空中有聲。命看世俗人之亂事。出聲者。乃天神也。苦修人卽隨之而行。數步外。見一黑人。斫柴一捆。重而難負。彼復斫添甚多。捆愈重。負愈難。又復斫添無數。再行幾步。指看一湖。有人於湖濱汲水。灌入漏洞中。又行不遠。見二騎馬人。橫擡一樹。欲進門內而不能。見此數件。問天神曰。此係何意。天神云。先見黑人。乃罪犯也。有罪不知其重。新罪且增加而無已。次見湖濱汲水於

漏洞者。乃爲善無功之人也。此人神工不少。因自誇其力。自喜其功。善工盡失。未見騎馬人。並馬橫擡其樹。不得進門。乃自恃有德有功。妄希可入聖人之域也。如此喻言誘掖。不一而足。終期將近。天主預示之。至期。畏懼之心。不期然而自至。身形顫慄。同人問云。多年苦修。還怕死麼。聖人回云。自然該怕。我惟爲此而來。自初來。至於今日。無日不怕。無時不怕。此語說完。畏心俱退。頓生歡樂。頃之。泰然而逝。年九十有五。

在洞苦修。歷五十載。時天主降生。後四百五十年。

宜行之德 全心事主

聖思 一。聖亞爾瑟訥。先有廊廟之行。後卽苦修。或問爲何必要棄榮就苦。答曰。因分心不能愛主。吾主耶穌有言。人不能兼事二主。可知愛世俗者。算不得愛主。然則肯愛主者。豈不該以全心全力愛之麼。

一。愛世俗者。得之何益。古王撒落滿在世時。無樂不享。無福不得。過後自嘆曰。總是虛而又虛。請問自己

世俗之益處何在。種種福樂。可曾有滿心足願之時。否。聖奧斯定亦嘗慨然太息曰。虛世爲何哄我。眼見應許似真。終不能與我所許之福。何哉。嗟嗟。大聖大賢。尚且幾乎不免。可知自生民以來。其不受世福之害者鮮矣。其能全心事主者亦難矣。雖然。難在人。不難者在我。汝今何如。一。虛世哄人以福而不與人。且甘受其哄。直至死而後悔。若全心事主者不然。一。得天主之福。神形並樂。充滿內外。自古至今。有誰行

德之後。而不歡欣舞蹈。心暢神怡者。風波苦海中。天主尚賞以格外之樂。世後之永賞永樂。又當何如。可知盡心恭敬天主之人。生前亦樂。死後更樂。汝爲何舍此賞恩賜福之本主。而分心以事他主。

當務之求 爲家國太平

祝文 天主以爾聖亞爾瑟訥。每年瞻禮。樂我等懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

--	--	--	--	--	--	--	--	--

十九日 聖味增爵 傳教會首

警言

宜法子。予良善而心謙。耶穌聖訓

聖傳

聖味增爵係拂郎濟亞國人。父名紀約莫。母名伯爾。德郎大。鄉居務農。守分度日。夫婦原遵正教。事主十分熱心。生有六子。聖人居三。自幼以牧爲業。父見其

聰明特達。敬主愛人。與衆不同。後來可成大器。遂竭力培植。令其讀書。聖人穎悟超羣。讀書四年。學業大進。有一富家。延之爲師。教授蒙童。聖人居此數年。益自奮勉。內德外才。與日俱臻。漸歷神階。擢爲鐸德。一日因事外出。途中突遭回回擄掠。賣給一背叛聖教之人。其人久隨回教異端。聞聖人係拜主之人。大拂其意。再三設法逼勒。或以利誘。或以威嚇。總要聖人同他一樣背教。聖人不但肯順從。反以德以表。將

這背教之人感化回心。深悔前罪。商同聖人。一齊逃回拂郎濟本國。聖人暫與一間官同寓寄居。偶染微疾。延醫調治。適值問官出門。忘鎖衣箱。箱內原有存貯銀兩。被醫生僕人乘間偷去。問官回來。見箱內銀兩失落。疑是聖人偷盜。急尋聖人追問緣由。此時聖人正在一家。同許多尊貴人談論道理。問官尋見。當衆人前大肆侮辱。聖人惟有忍耐。不與分辯。亦不露出偷銀之人。不過說此事天主知道。於此可見聖人

蒙難能貞。遇忤不怒之大槩也。聖人在鄉村傳教化。導無數鄉民。人人熱心事主。有人見而稱曰。此地之人。盡是有形之天神。鄰境別位鐸德。共仰聖範。賞奇。晰疑。親來受教者不少。蓋聖人化能移俗。德可樹型。有如此者。一郡邑名加斯得畧。缺少神父料理教務。天主教特特揀選聖人。前往當此重任。聖人到彼。竭力勸勉。從前在異端者。得聖人提撕。咸歸真道。冷淡者。受聖人訓誨。盡皆熱心。聖人將主堂重行修整。以

壯觀瞻。凡遇窮人。必盡已力周濟。或勸富貴人代爲
哀矜。並立一濟貧會。專爲拯救窮人。不使一夫失所。
聖人居此六月。竟將一廢弛地方。全全振興丕變。足
見聖人存神過化之德也。其時有一宗室大臣。素奉
王命。統轄通國罪囚。管制約束。責任甚重。此大臣久
知聖人鴻才碩德。特在國王前。保舉聖人。協助辦理。
聖人受此重托。目擊無數罪犯。流離困苦。慈心勃發。
隨處周全。或用講勸。救其靈魂。或施衣食。養其肉身。

憂者慰之。病者醫之。桎梏太重者更易之。囹圄污穢者移置之。這些罪囚。仰望聖人眷顧。如赤子之望慈父母焉。聖撒肋爵嘗讚美聖人說。我從來未見德行才學。如味增爵之兼造其極者。隨將自己所立一女貞修院。托聖人經理。此修院內。許多貞女。本皆熱心守規。一經聖人調教。視前更爲精進。可稱盡善盡美。聖人管此修院四十餘年。如同一日。殆所謂誨人不倦者與聖人德化廣被。人皆悅服。有將房產獻聖人

者。有將地畝獻聖人者。懇求聖人立會。傳道化人。聖人勉順輿情。創興一會。名爲傳教會。奏蒙教宗允准。定立修規。總以救人靈魂爲首務。會內鐸德。公舉聖人爲會長。立會之後。聖人或親往各處傳教。或遣本會神父到各國傳教。三十五年内。本修院一處。傳教約有七百餘次。又派神父經營避靜神工。計每年赴本修院避靜者。不下八百餘人。聖人定此傳教避靜之規。大有神效。凡匪類忤逆遊閒暴戾之人。一經本

會神父料理。辦此神工。無不卽時。悛改。奮志遷善。此皆聖人董率以德。鼓舞有方之明驗也。聖人立一公學。專爲預儲英才。選拔神品。學中規矩。誦經有時。默想有刻。講論道理。辨析精微。起居食息。俱有定則。務令其先自明道。後能以道化人。先自熱心。後能引人熱心。所以從此學中。考成鐸德者。率多出類拔萃之人。各處主教。見聖人學規甚善。多有取法。建立公學。並延請傳教會中神父。往彼經理者。又建一仁愛貞

女會。凡服事病人。矜恤罪囚。教訓幼女。收養孤苦之
男女嬰孩。皆係此會本分。務期力行不倦。此會大行。
止一都城內。共有三十四處。各國奉行。尚自不少。
巴里府有一養濟院。內中留養貧病之人。約有二萬
五千。聖人憐憫這許多人的靈魂肉身。急思拯救。勸
勉城中尊富婦女。相助哀矜。此等婦女。久沐聖人德
教。罔不樂從。不但願輸財物。更喜親身到院照應。院
中貧病之人。原係各國各教者。雜處其間。時常受這

些熱心婦女服事。安慰。講勸。感化。莫不革面革心。歸誠向道。冷淡者。痛悔自新。外教及異端。棄假求真者。當年內共有七百六十人。儼然將一養濟院。變成一修院的景象。想見聖人當日。創建非常。身靈兼濟之鴻勳也。遇有兵戈飢荒。及瘟疫等災患。聖人愛人之心。更爲急切。不惜貲費浩大。必盡心力博施。常常差本會人。賫送糧米布疋財物。並醫治其靈魂肉身之病。必使無一顛沛者。而聖心乃安。聖人一生濟困扶

危之事。統計大畧。共用過哀矜銀三百八十四萬餘兩。國王久仰盛德。及患病臨危。務令聖人助其善終。王崩後。儲君年幼。太后承制臨朝。欽敬聖人。凡關係教中事體。必命聖人入內廷。同衆臣公議。其有不合者。聖人必愷切詳辯。務要更正。絕不阿順人情。亦不觸人憎忌。以謙以忍。以智調濟周詳。既不廢事。又能和人。非才德兼優。曷克臻此。又命聖人遴選保舉通國之主教。此事關係最大。必須上能輔君。不能馭衆。

主持教事。無少差謬者。方克勝任。聖人倚靠天主。秉公選擇。毫無偏私。所薦之人。盡皆偉品。因此朝野騰歡。共慶得人。太后益加敬信。言無不聽。計無不從。聖人際此隆遇。正在得爲之時。凡有奏請。俱是光榮天主。救濟窮苦之事。從無一言及私。可見聖人愛主愛人之心。純一不雜也。聖人卒世行實。筆不勝書。此編畧叙梗槩。具見聖人之忍耐。良善謙遜。仁慈剛毅。智慧。萃諸德之全。集大成之緒。可謂本國之忠臣。教會

之師範窮人之慈母。天下人之表率。年登八十有五。逝世升天。歷七十七年後。教宗考據事蹟。列入聖品。時天主降生一千七百三十七年。

宜行之德 真謙實愛。效法耶穌。

聖思 一。謙美德也。然有真偽之別。真始爲德。偽則徒存德貌耳。且滋惡焉。若聖味增爵之謙。乃真謙也。令聞廣譽。本爲徵德之符。然聖人畏之如毒。避之如仇。卽偶值之。不當被人誣謗者。人見聖人之德。奇妙。

非常。不覺驚訝而讚美之。聖人聞人之譽。古怪異常。亦不覺驚訝而退避之。非聖人有意存謙。正聖人自視無德也。若遇毀謗侮辱。適合聖人之心。惟恐人不盡其辭。不能藉以改過。聖人之自卑自下。爲何如。爾自思之。果有聖人之德否。乃聞譽而喜。遇毀而怒。外飾卑牧之容。內蓄倨傲之念。是自欺也。是益過也。慎之慎之。一經云。以全心全靈全力愛天主愛人。若聖味增爵者。可謂克盡此愛矣。觀其受窘難忍侮辱。

以及立會建學。恤罪囚。賑兵荒。莫非從熱愛天主之心。推而及之于人。亦莫非從誠切愛人之心。還而歸之天主。一心流注。兩無間隔。人皆景仰聖人之愛德。然聖人自視。猶爲未足。必使普世人盡愛天主。方滿其愛主愛人之願。爾今如何口裏雖說愛天主。到底有多少貧病者。外教者。常在目前。未能顧盼他的靈魂肉身。可稱得是愛人麼。還說得是愛天主麼。一聖味增爵。事事必法耶穌。決不阿順人情。亦不隨從。

已意。事雖重大。雖有利益。若不翕合耶穌意旨。聖人
斷然不爲。如果全合耶穌之旨。縱然艱險難行。聖人
勇往直前。畧無疑畏。人卽從傍阻撓。亦莫能屈抑其
志。卽一言一念。亦必勉力效法。無敢疎忽。爾今如何。
偶遇肉身有益之事。全不顧耶穌聖訓。居然妄行。明
係耶穌所命當行之事。其中稍有艱難。你便慮患防
微。退縮不前。至于出言動念。全是迎合人意。順從己
私。今世不肯跟隨耶穌。後世恐怕不能升耶穌所升。

之天堂。關係不小。戒之戒之。

當務之求。爲傲慢自恃者。

祝文 吾主天主。爾以傳教之德。堅固味增。爵爲勸
窮人。光輝聖教。品級懇祈。賜我敬其功績。法其美德。
爲爾子耶穌。基利斯督。我等主。其偕爾。偕斯彼利多。
三多。均生均王。世世亞孟。

--	--	--	--	--	--	--	--	--

二十 聖女瑪加利大 童貞致命

警言

勿以虛言被誘。蓋緣茲天主怒。降於無信者之子。切與之同。聖經

聖傳

聖女瑪加利大。係額肋西亞國人。父係異端之首。其母產聖女後。不久病終。父將聖女。寄於昂底約紀府中一婦。乳哺之。離家有五六十里之遙。此乳母。係欽

信天主之人。故自幼訓以正道。聖女緊記於懷。定心
事主。領洗入教。其父聞知。不勝怒甚。卽命回家。誘其
改易。聖女堅執不從。父命褫去華美之衣。更換傭工
敝服。牧養牲口。父思如此苦辱難當。必然悔改。豈知
聖女信德堅深。以苦爲樂。以辱爲榮。安然牧養。視爲
本分。未幾。西軍奏凱。領兵大帥。道經聖女牧牲之地。
望見儀容端雅。疑非尋常傭力人。傳至軍前。問其來
歷。聖女回云。因我奉事天主。父卽以此辱我。但我正

想天主大恩。無能報効。竟甘心樂受等語。大帥先委人攜至府中。次日。往謝邪神後。面言聖女曰。我未娶妻。意欲娶汝爲婦。明知汝父樂從。只問汝心情願。就送交體面處供養。但汝奉的教。與我意不合。須要棄絕。聖女回云。世俗的體面福樂。皆不能動我之心。雖將萬國普天下的富貴與我。不肯背我主耶穌。大帥曰。汝真真瘋了。豈有身爲女子。不肯嫁一榮華富貴人之理。難道自己仇害自己麼。聖女答云。我不如此。

真恨自己。難道離了天主而爲人麼。因一世之光榮快樂。丟去了無窮無盡之天福麼。將軍當知道不論怎麼。斷然不能改棄。大帥怒飭云。汝若堅執不從。我必治汝至死。聖女笑曰。果然如此。可滿我本願。遂命重責。周身皮破血流。聖女怡然自得曰。憑你苦我。皆不能畏懼。因我主耶穌。挈我力量。時刻不離。將軍怒甚。用夾棍等狠毒諸刑。目所不忍見者。刑後收監。邪魔乘機恐嚇。變爲無數毒蛇。自頭至足。周身蟠繞。若

欲吞噬之勢。聖女蒙主開明。知爲魔計。將右足踏住。蛇身。魔竟無法脫逃。不得已。自呈魔像。聖女仍然踞着。且問曰。汝爲何專肯謀害恭敬天主耶穌之人。魔云。拜主之人。獨我們看不得。容不得。因從前所有天堂之位。我們永不能到身。惟此拜主者。佔據而充滿之。所以專肯謀害。巴不得毀其永遠之尊位。同居地獄。以快我心。說畢。聖女將足放鬆。魔卽遠遁。時聖女重傷全愈無痕。越數日。大帥聞前傷盡愈。提問曰。汝

傷俱好。非我之神靈保佑麼。汝非木石。爲何不想一
想。况汝父現爲我神之司祝。不該隨父而行麼。聖女
辨曰。此傷得愈。是我主耶穌特賜之大恩。與汝神無
涉。你們所敬者。乃世間死過之人。生前尚無能力。死
後怎能靈應。眼見別人臨死。自己俱不能救自己。在
彼亦然。如何救人。獨有我主耶穌。是吾人性命之大
主。纔能保佑。大帥聽此辨言。益增其怒。命火燒之。燒
至一半。復從火中提出。淬於水內。天主時時保護。出

火並無焦爛。全身完好。屢燒屢淬。毫髮不傷。從旁目
覩者。約一萬五千人。因此神奇。大聲喧嚷曰。瑪加利
大所恭敬者。真是全能天主。我們所敬者。明係邪神。
大帥見衆心允服。速將聖女斬決。以息多人之鼓譟。

宜行之德 謹防誘惑

聖思 一、天主許魔誘人。爲堅固其德。增益其功。係
利人。非損人也。故只許因人之不及。不許過人之本
分。邪魔雖狡。雖奸。惟有誘人行惡之能。從無強人爲

惡之力。隨與不隨。由人自主。聖奧斯定曰。邪魔如縛
犬。能狂吠以嚇人。能張牙舞爪以凌人。併能搖頭擺
尾以哄人。總不能近人之身。逞其殘噬以害人。所以
引誘時。不敢拿人上檔。專候人自投羅網。汝爲何徒
受邪魔之損。而不收固德增功之利。一。人只說魔
能誘我。殊不知自己引誘自己處甚多。如放縱五官。
惜身溺愛。安閒逸樂。傲惰貪淫是也。又以說魔能誘
人。殊不知人之誘人更狠。如語言挑聳。行事牽連。靡

麗之詩文。紛華之習俗。是也。又不獨誘已誘人。更能引誘邪魔。請看破壞之房。始招風雨。臭腐之物。始出蟲蟻。凡人之講閒話。看閒書。起誕妄之思。行不急之務者。皆破房臭物之類也。房必招風。物必出蟲。人必誘引邪魔。由外而入。吾身吾性。盡為邪魔樂業。安居之舍。可不畏哉。汝該時時省察。可曾誘過自己麼。可曾誘過別人麼。可曾誘過邪魔麼。縱然戒警加嚴。亦未必脫然無累。一聖伯多祿破此引誘之法有三。

一減味薄食。二勤行省察。三信天主。日鑒在茲。減食
以免不潔之罪。勤省以免竄入之魔。信主鑒觀。以鎮
壓內傷外感之邪。明知天堂永福。無人肯失。地獄永
刑。無人肯受。而誘感之端。無意謹防。是誠何心。

當務之求 爲被誘者

祝文 天主。爾德能靈異中。不棄弱女輩。賜致命者
榮勝。懇祈吾等。慶爾聖瑪加利大致命童女誕日。因
其遺表。躋爾臺前。爲爾子吾主耶穌基利斯督。亞孟。

二十 聖味多爾 致命

警言

汝等居於予。而予居於爾等。凡願祈求。即成於爾。聖

聖傳

聖味多爾。係拂郎濟亞國所屬。瑪西利亞府人。溯茲祖籍。世為顯宦。本一郡之名門。聖人自幼。即專心技勇。及長。以武功見重於總王。未遇總王。崇奉異端。不遵者。毒刑處死。聖人即定志不從。更用自已之力量。

德威堅固。地方奉教之人。晝夜巡查。勸慰同官。知情上達。被拿審究。聖人直言明認。併云。不奉此教者。不能救已。定受地獄無窮之苦。邪神爲萬惡之惡。情愿受苦以拒絕之。天主爲萬恩之恩。情愿受苦以欽崇之。斷不能怕苦以背天主。自甘罪惡。官命收監再議。聖人在監。滿心歡樂。知眼前必能迎受苦身致命之恩。但總王本不曾斷絕愛情。一聞問官之言。不勝勃然。將聖人背綁於馬上。遊街示衆。越數日。官復提審。

百折不回。甘受重鞭。身無完膚。懸掛於十字架上。周身大傷。聖人視之如節。高聲大呼曰。天主我等主。可憐准我所求。明明知道人無聖佑。不能立功。求主須臾不離。此時不畏萬苦萬難。語畢。耶穌發顯被釘十字架之像。從十字架上。大聲曰。味多爾。不該害怕。自始至終。我不離爾。此時允爾之望。隨後賞爾升天。衆人雖未瞻聖表。莫不共聞恩諭。官命解縛收監。聖人入監後。天神下來。全愈其傷。大開監門。聖人出監。並

不他往。仍赴官明訴曰。請你驗視。我傷全愈。可見我敬之主。明係全能大主。若說恭敬之人。爲何許其苦難及身。因加我功勞。厚我天福故也。總王聞知。親提審問。如何出監。聖人回云。我主耶穌全能。差天神治傷放出。總王交與刑官。命盡心開導。官卽仰承上意。用世俗榮華福樂。婉轉敷陳。囑令遵受。遵受之後。升爾大官。賞爾財物。益處甚多。聖人付之一笑。答曰。若能知道天主大恩。決不如此說。世上榮光雖大。不過

俄頃之間。並非真樂真福。如何比得天堂永樂。如何
免得地獄永苦。官見不能挽回。仍收監羈候。至半夜
時。天主賜聖人發顯大光。守兵不勝驚駭。忙問此光
從何而至。聖人告以天主之道。衆兵卽定志棄邪歸
正。遂指往領洗之處。奉教後。熱心如熾。圖報聖人之
恩。常常不離左右。事聞於官。一齊提問。汝等爲何如
此糊塗。聽人哄騙。背叛國家所敬之神。聖人不容衆
人回覆。爭先上告云。國家所敬之神。卽是害人之邪。

魔斷不可恭敬的。惟有皇皇天主。造世救世。無人不該恭敬者。未曾知道的。必當悔改。已經認識的。又當致命捨身。以補前失。請看我身。你們將五官盡壞。論理不能再活。今還好好在此。你們若不歇心。只管苦我。係我之情愿。官命掌嘴。再加重鞭。此時蒙主特佑。不顧自身之苦。惟勸新奉教衆兵。不宜畏此嚴刑。外面愈堅。心中愈樂。樂心一起。畏懼全無。今我現求天主。容我稍緩。須臾。眼見你們先我而致命。吾願足矣。

幸衆兵一德一心。無不情愿爲主而死。且滿聖人之願。一齊駢斬。衆兵致命後。擡一邪神像。至聖人前。勒令叩拜。聖人義怒勃然。卽舉一足以踢倒之。事聞。削去聖人踢像之足。削後。聖人舉腿一伸。照常有足可行。見此聖蹟。無法可以抵當。着卽斬首完結。時天主降生後三百二年。臨刑。天本晴明。忽然黑雲驟發。雷電交加。明顯天主之威嚴。刑後。將聖屍拋入海中。不多時。聖屍自至海濱。教友收葬於淨地。至今此海之

濱。常施靈蹟。

宜行之德 盡心敬主

聖思 一。人多多不行聖人之路。因自覺其難。故畏縮委靡。此係錯用其畏心也。要做聖人。不在聰明。不費力量。惟肯受天主之愛。何難入聖超凡。人之求博學。圖美名者。謀算一生而不足。若做聖人。則不然。只看汝肯與不肯耳。倘至今不肯。或終於不肯。可望升天麼。一。不必想照聖人之苦難而行。惟該想就汝

目前之事。照聖人所行之道而行。故並無難處。終世之期。誰能預定。或在本年。或在本月。或就在此一日半日之內。俱未可知。所以有一日。必該盡一日之長。倣效聖人。汝曾如此不空廢時日否。一定不得汝心。或想習慣之事。一朝改變。別人必多議論。必加恥笑。獨不想別人議論難當。恥笑難受。天主之審判。地獄之永刑。倒容易承當。願受麼。只知畏人。不知畏主。只怕惡人憤激之語。不怕聖人懲勸之言。豈非自害。

自己麼。所以行好行善。不必管人議論。眼前笑汝之
人。有一日。必定讚汝。尊汝。悔恨自己。而無門求汝。又
何必顧霎時體面。不盡心以敬我形神之大君大父。

當務之求 爲初進教者

祝文 伏祈全能天主。吾敬憶聖味多爾致命者誕
日。賴其轉達。加力於吾。愛慕爾名。爲爾子。吾主耶穌
基利斯督。亞孟。

二十日聖婦瑪利亞瑪大肋納

警言

爾等。弗謝所有諸物。必弗爲吾徒。聖經

聖傳

聖瑪利亞瑪大肋納。係如德亞國世家之女。父母早
亡。兄名拉撒落。姐名瑪爾大。聖婦本名瑪利亞。因分
家。得瑪大肋納之地。遂增此以別之。但自幼失於教
訓。舉動不合女箴。鄉黨咸指斥其非。幸當天主耶穌

降生救世之時。聖婦聞風趨向。惟自愧舊名難掩。見主無門。乘耶穌赴約長西滿之席。從後俯身臺下。扳耶穌足。痛泣不止。淚沾聖足。挽髮拭乾。塗以香液。深悔切愛之情。俱極其至。耶穌慰云。爾罪悉免。安心回去。從此去私絕誘。立志改遷。自定終身事主。願輸物力以佐神工。凡聖門所需日用之資。屢行供給。若以其家爲舍館。聖婦必躬行婢僕之役。乃見拉撒落病死已經葬埋。耶穌一到。刨開墳墓。應聲而活。聖婦伏

地進香。伸其虔敬。至耶穌受難時。聖婦隨侍於山。目不轉瞬。及殮葬時。又隨聖母於石塚。葬後。不辭重價。購買異香。以圖開墳復殮。第三日早。賫香詣墓。耶穌已復活。得守墓天神之言。回告宗徒。耶穌升天後。惡官圖滅聖門。或殺。或笞。或監。或徙。將聖婦一家。逐之海外。飄至拂郎濟亞國。馬西里亞地方。士民恭迎敬禮。請拉撒落主持教權。瑪爾大建立修會。惟聖婦。山居獨善。茹草飲泉。寢苦枕石。嘗有天神降顧。嘗升雲。

表聽音。三十年後。豫知終世之辰。轉聞司教。期於是日。求請聖體。司教如期。賫至。見聖婦全身。離地。乘空。向天合掌。謹舉手以賦之。領聖體畢。卽謝世。升天時。有賢士。殮葬聖屍於山。迄今虔誠趨謁。所求必應。

宜行之德 悔過

聖恩 一。聖婦瑪大肋納之多罪。只因多愛私情世俗。天主赦其多罪。只因多愛耶穌。由此正經多愛。遂發出正經痛悔之心。改過之心。成聖人。享天福。汝能

如此愛耶穌否。汝曾如此痛悔改過否。定不得自領洗至今。私愛未絕。俗愛未離。悔改之淚。阻滯不流。如此悠悠忽忽。怎麼可望天主寬恩。一。耶穌受難時。聖婦不離左右。隨至加爾瓦略山。俯身十字架下。已之痛淚。與耶穌寶血同流。已之傷心。與天地萬物傷形並顯。汝領洗後。若心中原未備正經痛悔。正經愛德。雖然親苦像。拜五傷。如何得有正經傷痛。當知這大痛悔。大愛德。自己不能預備。求主開愚振弱。始能

勉強而行。一。耶穌復活後。聖婦見係空墓。淚從心下。非哭耶穌也。哭已不見敬愛之主。失去神師慈父也。凡人失去子孫富貴。莫不泣涕哀號。今汝犯了大罪。失去天主。失去靈魂永福。反毫無悲悔。愛德何在。

當務之求 爲冷淡者

祝文 伏祈吾主。因爾允聖瑪利亞瑪大肋納之求。悔過自新。復活乃兒。今虔恭求爾。俾我等不陷罪污。寵恩復活。遠除俗引。獲享天堂。耶穌基利斯督。亞孟。

二十日 聖亞玻理納 致命

警言

爾等。既為天主預錄為聖。為見愛者。宜體仁慈之心。
腑。聖經

聖傳

聖亞玻理納。係西里亞國人。適宗徒聖伯多祿傳教。
至諸弟阿加府。聖人中心誠服。受業為徒。隨往羅瑪。
因賢智非常。遣往拉勿納郡。寓武士家。其子雙瞽。聖

人畫十字以復其明。親朋感激。深知所奉者。實爲真主。信從之人。四方雲集。鄰婦病危待斃。夫係本國將軍。請往顧之。聖人一見。語云。托賴吾主耶穌聖名。使汝身安病愈。併使汝知耶穌爲萬物正主。天上天下。其尊無對。其能無比。言畢。病卽全瘳。向衆云。所敬耶穌。真正是天地神人之大主。此外邪神。不可道也。夫婦親鄰。咸歸聖化。自後歷十二年。從遊日衆。異端嫉妬。誣告於官。聖人詳陳教旨。衆等深服。惡黨恃強殘

虐。驅溺水中。教衆救出之。半年後惡黨漸平。如前敷
教。一富貴人啞。一婢負魔。望見聖人。啞卽言。魔卽
退。及聽訓言。從教者五百有奇。惡黨重新倚衆拘拿。
以火炭鋪地。跣足踏之。殘酷杖笞。投於荒野。時因傷
重。暫避牧童家。然未曾片刻少安。廣集同人。隨才指
示。隨傳教鄰邦。一女已經入殮。聖人聞父母慟哭。堪
憐。撫棺呼喚。死女應聲復活。舉家驚喜。聖人頌美主
恩。提明教中要理。羣信奉焉。復活之女。守貞卒世。值

總王偏信異端。滅除正教。遣官拿究。重杖後。憑空立架。縛臂於上。縛股於下。欲支解之。聖人顏色怡然。惟有求主加恩。承受。併勉勵同人而已。官見義勇不撓。將全身殘剝。灌以滾油。命置海邊。破艇聽其漂沒。因殘剝灌油之刑。役立斃於衆人前。官怒愈增。復繫獄。以石搗碎聖人面頰。斷殮絕飲。天神饋食救之。越數日。強健如常。仍爲發遣計。船至中流。颶風陡發。多人盡溺。惟聖人暨三徒。及二護兵。幸見天主。特恩拯救。

飄浮抵岸。係米西亞地方。上涯後。見一病人。遍身瘡毒。痛苦呻吟。不俟彼開言。向彼畫一十字。諸瘡立愈。其人感恩受訓。迴越尋常。繼往大辣濟亞省中。此地原有魔像。能言吉凶。聖人到省。魔遂不言。衆特奉牲叩請。一言不發。一日。忽大呼曰。爾輩何苦如此逼我。現有耶穌宗徒伯多祿之門人。將我束縛。不許發言。彼在此地。望我能言。增我之苦也。衆聽甚明。遂遍訪聖人。反以縛魔爲惡。代魔報仇。笞之。詈之。殘虐之。驅

逐之。雖閱歷三年之久。終於退藏。遂回拉勿納郡。民衆服從如故。豈知邪黨奸謀。較前更盛。共相盟誓。不許容留。復聚徒拘縛。強令跪魔拜像。奉爲至尊。聖人默求主佑。魔像自倒。化成一撮飛灰。邪徒忿極。送官究處。此官向有一子。生而喑啞。蒙聖人使之能言。今一見聖人。遠迎欵待。俟衆人散訖。私縱於山莊。又歷四年。訓誨鄉人。夜以繼日。有疾患者。求之卽愈。邪黨聞之。復拿禁獄中。以俟國命。獄官原係教中。又縱之。

邪黨星飛追獲。殘傷幾死。門人趨救。就近存留。聖人
知終時。殞近。盡志盡力。勸勉衆徒。言訖而逝。時天主
降生後七十五年。迄今朝墓者不絕。沾恩者甚多。

宜行之德 愛德

聖思一。愛人者。初必婉言勸引之。次必直言勉勵
之。若自己原係尊長。或係上人。猶爲本分。不勸不勉。
則本分不盡。必來主罰。就不是尊長上人。論我相愛
之本心。都該如此。倘遇有萬分碍口。十分不便處。只

得暫爲緩圖。以俟機會。又不可冒昧率言。然愛情仍蓄於衷。不該片刻去諸懷也。勸勉之後。在天主開心。亦須求主救之。固執不從者。盡人事以聽天主之命。不必憂愁。一。愛人者。平安則愛之以言。患難又必愛之以力。安慰之餘。該竭力以救之。果有如此行愛之心。每日卽有望爾施愛之人。或自己本家。或鄰居親友。不是鰥寡孤獨。就是疾病災傷。汝能爲天主實心挈助。教其不知。更補其不足。天主全能全善至義。

至公。不獨不肯加爾之窮。還要記爾之功。免爾之罪。罰。既然如此。爲何不盡力愛人。一愛人者。自己要有忍耐之根。因各人有各人之心。我只一人。而與衆人交接。其心自然不同。心既不同。則所發之言。所行之事。必然大不相同。免不得要常常忍耐。若不忍耐。聽人開口。見人動手。俱與己不合。一起不合之見。便能斷絕愛情。所以愛人者。必先忍耐。果然有此忍德。纔能平定心中之亂。纔能勉立愛人之功。汝欲愛人。

可有此忍耐否。從前或無忍德。今而後肯情愿小心預備。勉強順承否。

當務之求 爲亡者

祝文 天主。因爾至公至義。行善者無不酬其永賞。我今幸逢聖亞玻理納致命之聖日。因其功勳。躋爾臺前。得我等重罪之赦。可獲天上永安之所。爲爾子耶穌基利斯督。亞孟。

二十四日聖女基理斯弟納 致命

警言

友中多有爲基利斯督十字之仇。厥終卽亡。腹卽厥
天主。羞卽厥榮。聖經

聖傳

聖女基理斯弟納。係意大利亞國中弟樂郡人。郡在
大湖之內。後因水患棄之。在昔隆盛時。聖女之父。世
爲名卿。貴而且富。現居本郡之有司。但素信邪魔。惡

聞正道。獨聖女早蒙主佑。遵奉聖規。固守謹持。父不能奪。遇有貧人。將父所供金銀邪像。毀以濟之。父聞。怒甚。重刑懲責。聖女欣然樂受。並不乞憐求恕。次日。盡褫其衣。以鐵爬剝皮戕肉。聖女目擊遍身。並無完膚。血流滿地。深以自慶。父之暴怒愈增。造一鐵輪。縛聖女於上。輪下積火。加油。轉輪炙烤。當此急迫之時。天神奉天主命。飛火旁燒。死者甚多。受傷未死者。逃命遠颺。只得暫行歇守。將聖女囚於幽室。天神下臨。

治其傷。賀其勇。且勉勵其後功。僅越一日。父見諸傷。全愈。更加憤恨。繫以大石。沉溺巨浪中。天神送之涯畔。父終弗晤。又囚之。天主不容。父於是夜。無病暴亡。新官濟惡。用松脂硫黃等物。實於大釜。烈焰甚威。將聖女投入。聖女毫無懼色。惟手畫聖號。默誦聖經。身逾金石。並不損傷。蠢茲官吏。全不想天主威靈。反將聖女。削髮剝衣。解至邪廟。勒令叩拜。聖女甫入。邪像自傾於地。散爲土灰。惡官怒忿塞胸。立時悶絕身亡。

民衆悚然。棄邪歸正者。三千餘人。新官接任。濟惡如前。捆縛聖女。燒於火窰。五晝夜。全身完好。復置黑監。命異端人。遣毒蛇吞噬。蛇竟俯伏不前。惟官殘忍性成。割去聖女之舌。然割舌後。仍能言語。乃縛於高竿。四圍攢射。竟至心穿骨透。聖女謝恩求主。氣絕而終。時天主降生後三百年。同教收葬於淨地。後移於西濟里亞國巴肋默郡中。

宜行之德 求永益

聖思 一。個個人想求自己之益。但已有二。有肉身之已。有靈魂之已。益亦有二。有暫時富貴榮華之益。有永遠常生真福之益。然求暫益者。百不能得一。求永益者。百不能失一。且謀肉身暫益之人。難得靈魂永益。與其因肉身而害靈魂。何如舍暫益而求永益。倘悞用其謀求。汝之明光何在。 一。個個人大約多想世俗可益肉身。如子孫親戚友朋等是也。豈知益處少而速。損處多而長。惟有耶穌之榮福。耶穌之利。

益能補助靈魂。併能補助肉身。試觀疾病死亡。災傷困苦。汝子孫能轉禍爲福否。汝親友能變死爲生否。明知不能。而念念難忘。我主耶穌。以神恩聖佑。益汝之靈。以田地百穀。益汝之身。反置之不問。汝之公道何在。一個個人都想爲自己出力。鮮有想爲天主出力者。將天主所付之能。認爲自己之能。專爲己用。鮮有將此能奉還天主。仍爲天主用者。殊不知爲天主出力。纔能求自己之永益。若專爲自己。不惟無益。

必然招損。猶如富人之僕。將主人銀錢。爲主人辦事。公而不私。必蒙優賞。若將主人銀錢。爲自己辦事。不與主人出力。一經敗露。必受重刑。今以以罪失已。不以神工救已。又何異昧心之頑僕耶。但天主愛人無限。比不得世上主人。汝雖從前浪費天主所付之能力。若自今而後。及早回頭。以愛還愛。猶未晚也。汝不知道耶穌升天後。留下付洗告解之規。赦汝之罪麼。汝不知道耶穌受難前。留下本身本血之恩。養汝靈。

魂麼。此係人人。心領神會之大恩大益。竟不知仰承順受。浹髓淪肌。汝之愛情何在。

當務之求 爲婦女

祝文 天主爾德能靈異之中。不棄弱女輩。賜致命者榮勝。懇祈吾等。慶爾聖基理斯弟納致命童女誕日。因其遺表。躋爾臺前。爲爾子吾主耶穌基利斯督。亞孟。

二十聖長雅各伯 宗徒

警言

予平留於爾。予平與於爾。世亦與平於人。惟厥平予
異甚。爾心弗岌惶。聖經

聖傳

聖若望宗徒之胞兄。名雅各伯。耶穌初出門傳教。兩
昆仲應命追隨。棄辭漁業。因後來又有同名之宗徒。
將先進之聖人稱長以別之。聖人精修罔懈。克已惟

勤。耶穌升天後。傳教於協路撒稜。漸及撒瑪里亞。雖
士庶翕從。而惹人仇嫉。遂前往以西巴尼亞國。甫至。
卽勸化七人。分巡各邑。歷久。鮮人信從。心竊慮之。時
聖母居如德亞。去此甚遙。忽現於聖人前。呼名慰諭。
將來此地。欽崇我子母者甚多。宜早建聖堂。廣宣德
意。言訖不見。聖人蒙此特恩。前憂盡釋。卽建堂致敬。
聖母竭力廣揚。仰蒙佑庇。棄邪歸正者。與日俱增。越
數年。將回如德亞。語衆云。吾在此日久。何忍遽別。因

天主命。不敢不從。當知我來傳教。爾等遵依。皆天主之神恩。聖佑。並非我與爾之能。爾等圖報主恩。必須推已及人。可免悞人之罪。歸後。晉謁聖母。會晤同門。時勤講勸。有邪術人厄爾。末日榻。受黨援之托。遣徒非肋多。入室潛圖。見聖人言行超羣。卽跪叩自陳。願入聖門。其師慚忿。令魔拿回。非肋多果然身如捆綁。聖人將常用之手巾。命執之。魔卽解退。彼復求魔併縛聖人。魔力不能。反奉聖人命。將彼牽至聖人前。聖

人卽使非助多誦耶穌聖號。解其索。厄爾末日搦覩。此神奇。盡毀其書。呪邪術。傾心奉教。聖人特賜一杖。以防魔誘。惡黨所謀不遂。賄令協路撒稜之守兵。乘機肆虐。聖人知而弗顧。彼遂私行拘捕。打罵橫加。國君素本昏庸。事聞處斬。赴法場時。途遇一癱人求救。聖人口稱耶穌。癱人卽起。惡黨中有若西亞見之。悔罪歸誠。惡黨怒其反叛。亦奏聞斬決。時天主降生後四十四年。聖人之門徒。送葬於以西巴尼亞。嗣因荒

亂之餘。聖墓失迷。越五百年。主特顯揚聖墓。夜發大光。累日。士民爭趨朝叩。不數年。國君特建大堂。遷葬於堂內。災荒瘟疫。多蒙拯救。猶憶數百年前。海寇犯城。官軍失利。計窮泣禱。聖人顯示云。吾保汝再戰。必破之。奚懼焉。明晨迎戰。全勝而還。迄今有求必應。

宜行之德 化導異端

聖思 一。聖雅各伯聞耶穌之招。卽棄網棄舟。緊隨多載。今耶穌招汝跟隨。命汝棄俗。汝仍不棄不隨。獨

不想此時不棄世俗之網。將來能棄地獄之網麼。此
時不隨耶穌之招。將來能隨耶穌升天享福麼。一。
聖雅各伯盡心教化。從者甚希。蒙聖母明諭。分外慇
懃。遂收實效。汝非宗徒之後人耶。宗徒能勸化以西
巴尼亞一國。汝不能勸化一鄉一邑耶。勸人救人。汝
之本分。人雖不聽。汝之本分不缺。必蒙天主鑒憐。若
或勸化多人。係天主之光榮。惟滿心感激主恩。不肯
認作己能自然。聖佑日勝一日。當時後世。莫不廣揚。

其效甚神。甚速。何必過慮多疑。但天主無所不知。汝若因化導多人。便生驕傲。或自逞才能。或自誇功德。一蓄此心。雖外形不露。中害已深。豈獨盡棄前功。難言後效。還留下一個跋扈負恩之大罪。汝今如何。

一聖雅各伯為救本地人。復回本國。不料外國還能久道化成。鄉黨之間。更固執不從。且虐殘至死。可知出力為人。不該憐惜自己。更不該望報於人。只該預備樂從苦難之心。聽人之答應。人以順應。當歸功於

主人以逆應。願加苦於身。有此預備。何患不爲聖人。
當務之求。爲聖教廣揚。

祝文 伏望吾主。聖爾之民。護爾之臣。賴爾宗徒。聖
雅各伯。衛之翼之。以善行悅爾。以堅心事爾。爲爾子
耶穌基利斯督。偕爾。偕斯彼利多。爲一天主。均
生均王。世世亞孟。

三十一
六日 聖婦亞納 聖母之母

警言

嘉樹非結惡實。 聖經

聖傳

聖婦亞納。係古教亞鸞之裔。父名瑪丹。母名瑪利亞。此名。如德義。一派常用。故多雷同者。父母生四子。宗徒聖次雅各伯。聖達陡。協路撒稜。主教聖西默盎。同聖瑪弟亞。擬補逆徒。如答斯缺。聖若瑟。名巴爾撒巴。

是也。又生三女。長亦名瑪利亞。初歸亞斐亞。斐亞歿。收歸格肋阿法。卽大聖若瑟之兄。次名瑣伯。聖若翰保弟斯大之母。聖婦依撒伯爾。卽瑣伯之女。三卽聖婦歸聖若亞敬。同事天主。內盡其誠。外盡其禮。爲主光榮。與人迴別。室若聖堂。舍旅濟貧。常行不斷。窮人多待救者。但年力已衰。並無生育。惟守齋克己。節用哀矜。以隨主命。如此立愿祈求。歷二十年。天主鑒其誠切。又合救世定期。特差天神明示曰。天主賜爾一女。

爲萬世神人之大母。居無何。姪而生女。卽未有天地
前預簡者。並無原罪。生三歲。聖婦爲酬前愿。攜獻主
堂。獻後。回居納匝肋。不多年。無疾善終。年七十八歲。

宜行之德 正其所求

聖思 一。聖婦亞納。堅求後嗣。二十年不倦。汝求。曾
如是否。事未必聖善。心未必誠切。時未必久常。乃一
求不得。便怨天主不公。或疑天主無靈。若此之求。是
求害也。非求益也。有益之求。莫如聖婦。至善。至誠。至

久以愛。以謙。以信。卒能滿其所望。汝獨何心。正言正行。而不正所求之言行。一。天神慶報得胎。聖婦信而不疑。今汝賴耶穌基利斯督之功勞。有求必應。爲何疑而不信。天主全能全善。不惜以聖子與人。耶穌至仁至慈。更不惜以聖身寶血。深入人心。豈有至尊無對者。慷慨與之。卑微輕賤者。反慳吝耶。汝之所求。或未出於正。或只顧眼前。不思後害。又汝求時。或不卹耶穌功勞。所以求而不與也。非愛汝。卽懲汝。莫非

天主大恩。汝獨何爲。求此求彼。而不求彼此。各得其正。一。聖婦旣蒙天主。准其所求。時時想報大恩。生女甫及三週。卽奉獻主堂。汝曾如此報恩否。豈獨受恩不報。定不得常常以罪報恩。眼見人家子孫財產。能幹聰明。非天主所與之恩耶。乃得了子孫。惟望顯親揚名。有了財產。惟願豐衣足食。些須能幹聰明。便目空一世。如此舉心動念。不是以罪報恩麼。如此報恩。還望後來。可得所求麼。請看聖婦。許愿速酬。受恩。

必謝。汝獨何人。正者不求。求者不正。求而不得者。不知自省。得其所求者。不肯報恩。還算得是正經求主之道麼。

當務之求 爲善人堅固

祝文 吾主天主。賜聖婦亞納爲爾子耶穌童貞聖后之母。恭遇慶辰。畀我等起敬起畏。奉爲主保。望聖婦護之翼之。自當日迄今。迄於末世。愷澤無窮。亞孟。

二十聖龐大良 致命

警言

聞而不行。如人思已容於鏡。思已已去。頃忘其爲何若矣。聖經

聖傳

聖龐大良。係亞西亞你各郡人。父原傾信邪魔。惟母素崇正教。聖人幼時。最遵母訓。不幸母亡甚早。習俗移人。雖稍通文藝。僻好行醫。幸遇名賢黑木老。常論

天主耶穌爲生死之大主。愈病之神丹。何必學醫。然
未能決志遵從。適道旁一小兒。被蛇毒死。蛇尚在。聖
人蒙天主默啟。就屍語云。賴天主耶穌聖號。命汝立
時復活。向蛇云。爾爲禍胎。應代兒裂死。言訖。死兒卽
活。活蛇卽死。聖人亦喜亦懼。往告於黑木老。黑木老
將天主全能。耶穌救贖等。詳明要理。聖人卽遵規領
洗。進德增功。日新月盛。一人病目。醫治不痊。訴苦於
聖人。聖人手指其目。口稱耶穌聖號。立時全愈。其人

感激主恩。棄邪歸正。從此聖名洋溢。不藥之病。求聖人稱耶穌聖號。無不愈者。國王聞民間多信天主。禁飭甚嚴。聖人恐衆心搖惑。晝夜巡行提救。事聞於王。先將瞽目復明之人審問。回云。龐夫良口呼耶穌。舉手指目。目遂明。因知此能出於天主。其教必正。必真。王大怒。立命斬決。聖人見仇害卽來。盡變其家產。濟貧贖擄。建院造堂。將完被捕。聖人將正邪來歷。辨別甚明。總不解王之僻性。請覓一重病人。聽衆先求國

神不應。吾求天主。據此可定正邪。王如其請而行。滿朝見此效驗。多有歸正者。獨惡徒誣以妖術。請逐之。王令聖人奉國神。棄天主。回云。舍正從邪。萬難如命。身可毀。志不可奪也。王勃然怒叱。聖人毫無懼容。遂縛入大市。赤身懸於高竿。鐵爬剝其皮肉。火炬燒其被爛。聖人聲色自如。惟以心目求主。耶穌借黑水老之像。顯慰云。爾主爾師在此。不須驚慮。語完卽隱。時繩索自開。火炬自熄。王愈怒。令具大鼎。將鉛鎔化。乘

沸投之。聖人見耶穌同入。鉛冷而凝。王復憤極。墜以
巨石。投之於海。耶穌舉手持之。踏水登崖。王命投於
獸柵。耶穌先入。聖人叩謝曰。主在此。何畏焉。衆獸猛
而且飢。一見聖人。歛威跪伏。旁人咸頌之。王仍不服。
盡屠諸獸。以洩憤。再造一輪。圍以利刀。縛聖人於輪。
從高轉下。碎戮其身。豈知惡謀雖酷。難當天主之威。
旋轉時。斷索離輪。反傷刑役。王問其師爲誰。聖人告
以黑木老。旣至。詳陳教理。証以奇驗。非常。語際。地大

震。魔像成灰。王疑黑木老所致。同兩兄弟。一併斬決。
次將聖人遍體毒笞。後命折肢斷首。焚骨滅形。役繫
於樹斫之。刀輒如蠟。役大驚。惶懼跪求。聖人代祈赦
罪。空中有聲曰。主准爾求。赦之。聖人疊受主恩。心甚
難安。望主容彼傷殘。遂被斬而終。時天主降生後三
百十一年。斬完無血。只流清乳。所繫之樹。忽生花菓。
王令拔樹燬屍。役懼不行。教中密葬之。遺恩不絕。

宜行之德 認已

聖思 一。罪人如瞽者。不識天堂之福。不明地獄之
苦。不見世俗之虛。不望德光之美。只顧貨財。暫富體
面。虛榮。肉身偽樂。汝爲何不想一想。這貨財。原在誰
人手內。當年同我體面之人。今往那里去了。小時快
活之年。昨日喜歡之事。而今安在。倘有此一想。恐怕
心瞽漸開。汝曾想過否。 一。罪人如病者。神思溷亂。
血氣不和。此亂攪心。必失肉身之愛。貪淫盤踞。驕忿
滿盈。此罪攪心。必失天主之愛。肉身之病。人人必問。

藥問醫。靈魂之病。汝爲何不問。一問該愛者。果能愛否。當惡者。果能惡否。倘愛惡均失其宜。難免病入膏肓。傷哉。神醫現在。良藥易求。乘此可治之時。汝竟付之不問。欲待何時。一。罪人如死者。然更有甚焉。天主全能。死者立能復活。人賴天主全能。亦能復活。死人若罪人不肯回頭。何能復活之。豈不是比死人更甚麼。但該知罪人無天主之聖佑。斷不能改悔回頭。又該知天主之聖佑不少。惟在罪人之肯愛不肯愛。

耳。汝爲何不看一看。自古迄今。多少死過的人。賴天主聖佑。肉身尚能復活。多少犯大罪的人。賴天主聖佑。靈魂亦能復生。且變罪人而爲聖人。汝獨何心。情願與死爲鄰。汝心何向。情願出生而入死。

當務之求 爲病人

祝文 伏祈全能天主。吾敬憶聖龐大良致命者。誕日。賴其轉達。加力於吾。愛慕爾名。爲爾子耶穌基利斯督。亞孟。

二十聖納撒略聖瑟爾瑟 致命

警言

汝輩宜淨。久肥之麵。乃為無肥之麵。以成新餅。聖經

聖傳

聖納撒略之父。係利未亞洲人。母本意大里亞國舊家。旅居羅瑪而生聖人。聖盎博羅削曰。聖人之母。恭敬天主。具有盛德。聖人幼承母訓。信認最真。受洗於教宗理諾。父母去世後。遊學於意大里亞。途中勸人

領洗救濟貧窮沾恩者甚多。內有日訥瓦城孀婦之
子。名瑟爾瑟。求聖人收留訓誨。領洗入教。同行同止。
由拂郎濟亞國往熱爾瑪尼亞得助勿府內傳教。靈
蹟頻施。奈此方之人。怖惡不悛。二聖日在苦難中。終
被鎖拿。溺入大水。二聖賴天主全能。行水如行陸地。
然水災雖免。地方難領神恩。二聖不復再留。欲回意
大里亞。行至密辣紉城。查緝教中嚴緊。二聖被拿。勘
問。堅持不改。遂擬斬立決。

宜行之德 學聖

聖思 一。升天必期無罪。若領洗後。雖些微小過。當洗以痛告之淚。否則不能升天。小過必拘煉獄。煉盡可升。大罪必受永殃。入不再出。但其苦皆同。汝能未入前。學行聖人升天大路。只有兩條。非直行無罪之路。卽速行痛告之路。一。手係汝之行。舌乃汝之言。心卽汝之思。故言行是汝心之外容。外像一舉一動。全根於心。關係靈魂生死。惟聖人心常潔淨。不肯縱

弛汝心如何。一。有人妄証汝。當想耶穌在世尚然。不該歡喜麼。明知是假。天主知之。何必惱人。自失平安。或有別罪補贖未完。可借此妄証以補之。應當感激其恩。今汝遇人妄証。喜歡感激耶。還悻悻不平耶。

當務之求 為罪人

祝文 天主。爾賜我等。敬憶爾致命者聖納撒略。聖瑟爾。瑟誕日。望爾。彼居永福之域。使吾借樂。為爾子耶蘇。基利斯督。亞孟。

二十聖女瑪爾大 童身
九日

警言

瑪爾大。瑪爾大。迥惟須者惟一。聖經

聖傳

聖女瑪爾大。兄妹三人。兄拉撒落。妹瑪利亞。瑪大。納。係如德亞。分封名族。父母早亡。幸遇耶穌降生之地。同歸聖化。耶穌常至其家。及兄病故三日。埋葬已完。瑪爾大語耶穌曰。主向在此。吾兄不得死。但吾知

攸求天主。天主卽允。耶穌答口。爾兄將復活。瑪爾大
曰。予知衆人復活。來日伊卽復活。耶穌口。予卽生命
也者。復活也者。凡信予。雖死。固復活。凡活而信予。永
不死。爾信此乎。答曰。予固信爾爲基利斯督。活天主
子。降世。耶穌往救之。開墓呼名卽活。耶穌升天後。惡
黨怒其欽崇。抄沒家產。將三人押發朽爛舟中。去其
櫓舵桅帆。以便飄流沉溺。蒙主聖佑。送至西地中海。
抵拂郎濟亞國所屬瑪西里亞郡。郡人見破船泛海。

羣聚而觀。遂有歎留厚待者。既而聞其講論。察其德
修。歸化甚多。乃奉拉撒落以柄教權。聖女另擇靜區
爲修院。居同志潔修之女。忽有蟒蛇肆害。聖女求主。
向蛇灑聖水。畫十字。蛇卽裂死。聖女入院後。去私慾
欲。受苦卑躬。更密更嚴。酒乳魚牲。概行屏絕。服食不
過蔬水單衣。一晝夜內。百次叩頭謝主。久而彌篤。一
年前。蒙主豫示升天之期。卽賜年餘之病。精煉之。終
期前八日。聞天上佳音神樂。送其妹瑪利亞瑪大肋

納聖靈升天。至終日。耶穌親召之。輝光滿室。耶穌去後。聖女令鋪土於地而卧。示身從土出也。又令旁人誦耶穌受難經。至予神付於爾手。聖女靈魂亦付上主而逝。近方司教正舉行彌撒。天神明告云。聖女升天當速往。葬以教禮。卽隨天神至。辦理將完。耶穌親臨送葬。此他聖未有之寵恩。後拂郎濟亞國王患病將危。聞聖女之功。乘輿趨赴。謁墓求恩。卽時全愈。四方士庶接踵來朝。望恩求福者各得所求而去。

宜行之德 救已

聖思 一。各人出力盡心。或富。或貴。或多聞。皆體面也。盡心力以圖之。意欲何爲。爲升天耶。我看不體面。不富貴。不多聞者。俱得升天。旣如此。何故全心全力。專謀汝一世之事。爲汝一人體面。不肯全心全力。謀汝萬萬世無窮之事。爲天主光榮。 一。靈魂的好。肉身的好。俱人生要務。然肯救靈魂者。必兼救肉身。兩好俱得。且皆永遠。若只救肉身。極其好處。轉眼俱無。

且留下永遠的不好。汝欲明白自己的好不好。須查
每日所行。都爲天主否。一。我們人類。止有一個性
命。止有一生一死。不可妄想如辣撒落再生再死也。
此時不救。死期就至。雖天主仁慈。斷不能法外施恩。

當務之求 爲傳教者

祝文 救吾者天主。聽受吾禱。吾樂爾聖童女瑪爾
大瞻禮。望以誠心得受訓誨。爲爾子吾主耶穌基利
斯督亞孟。

三十聖亞伯東聖生能 昆仲致命

警言

汝來負軛而師予。夫予良善而心謙。汝靈卽獲寧。聖經

聖傳

聖亞伯東聖生能。係伯爾西亞國貴族之子。本家世居通顯。二聖同胞同德。道貌禮容。言規行矩。更尊於家世之上。總王侵奪多城。滅除正教。二聖正在所侵之地。周行勸勉。致命者。收葬之。事聞被獲。王因上族。

優禮待之。勸云。汝等不必多疑。若我敬之神。不是全
能。我兵如何得勝。汝二人遵依敬拜。卽用爲輔政大
臣。二聖回云。王敬之神。我國之王亦敬之。怎麼在王
之兵。獨全能。在我國。竟不全能。可知全能者。惟有天
地萬物之大主。要此敗卽敗。要此勝卽勝。萬事萬物。
總操權下。我們該恭敬者。惟此而已。不能再拜別的。
王命拿至羅瑪。傳諭衆官云。此二人係伯爾西亞大
家之人。只要他肯拜我神。諸事由他。二聖曰。我非正

神不敬。所敬者。惟造天造地降生救世之大主。王怒。收監聽審。次日。問官提訊云。汝今不必多言。或拜吾神。或不肯拜。片言可決。二聖直言不肯。卽重笞遍撻。周身腐爛。取二獅四熊噬之。獅熊俱伏敬惶陳。官曰。此邪法也。差人看守。暗中將二聖戮死於地。時天主降生後二百五十四年。

宜行之德 敬愛天主

聖思 一。凡天主所命之事。必有益有樂。更常穩常。

尊請看升天之聖人。我們爲何恭敬他。因彼在生時。能順從天主所命之事。故有此尊榮。若生時不從主命。生前死後。誰肯如此敬之。卽此一着。就可知莫大之益。非常之樂。萬安萬穩之尊榮。惟此而已。如此之福。全在自已。肯要不肯要。肯要者。無他。惟敬愛天主。此福卽來。且不必死後纔得。生前之聖味樂心。神安身穩。師嚴道尊。自已明明知道。汝心曾樂過否。一。奉事世俗人。旣爲邪魔之奴。定爲自已惡性之僕。沒

一個不卑賤。沒一個不亂良心。如何得享此福。所得者。不過一些犯罪的銀錢。傾刻驕人的體面。就算邪魔之報惡性之福。然爲得此福。費盡心機。受多少艱難。尚且容與不容。權在天主。往往畢生爲三仇之賤役。仍患難以終者。十居八九。聖奧斯定有言。求世俗之愛。比求天主之愛。更百倍其難。一。旣然如此。爲何多多人。只肯服事世俗。若勸他服事耶穌。願者甚少。無他。因人心常想世事。不想耶穌之訓。只想眼前。

不想身後。雖有信德。並非活信。汝今如何。願隨世俗
耶。願隨耶穌耶。汝若只顧眼前。雖萬語千言。徒勞唇
舌。汝果留心身後。則前後所言。莫非對病之神鍼。法
灸。立除百病之根。幸弗多疑多畏而不前。

當務之求 為中國人

祝文 天主。爾賜我等。敬憶爾聖致命者。聖亞伯東
聖生能誕日。望爾彼居永福之域。使吾偕樂。為爾子
耶穌基利斯督。亞孟。

三十 聖依納爵 立耶蘇會

警言

吾輩若以神活。宜以神行。勿貪虛榮。聖經

聖傳

聖依納爵。係以西巴尼亞國人。世為勳臣。其親八男五女。聖人居幼。繼述武功。初充宿衛。嗣因敵患。佐鎮巖關。炮傷失守。為敵所獲。敵嘉其勇。厚款遣歸。傷重頻危。幸平時虔敬聖伯多祿宗徒。蒙恩降慰。以療之。

大骨縫未歸原處。步行如跛。聖人嫌其不正。延醫整治。弗令拘束。聽其開皮排骨。觀者膽寒。聖人神色自如。因此就榻日多。觀書遣興。偶玩聖人行實。感動甚深。惟慮改圖不易。蒙聖母惠臨。囑其矢志精修。聖人卽跪伏定心。棄財絕色。謝世辭榮。時空際發聲。窓開屋震。顯其剛毅。愈後托名出外。向司教總告解。遁往僻處。換穿貧人衣履。皆茅草樹皮捆織者。腰繫小瓢。飲水。手持短杖。助行。由曲徑。入忙叻。撒之孤貧院。乞。

糧淡食。惟薄暮一餐。席地枕磚。並無牀褥。晝必跪禱。七回。夜必鐵鞭三次。哀號流血。痛悔前非。一日入堂祈禱。心定神潛。氣絕如死。心坎中微動微溫。俟至八日。如熟寐復蘇。衆皆知其密交天主。深敬慕之。主常顯示。助其不及。聖人欲辭美譽。避入巴爾賁羅納城。赴堂瞻禮。一賢婦見面發大光。告知其夫。欵留敬禮。未幾抵物訥濟亞郡。無門投宿。就臥於街。有富貴人。夢中間諭曰。奉吾修士。飢寒露宿。汝何飽煖安眠。疾

起開門。恭迎奉事。然不合聖心。潛奔渡海。舟有匪人。罔遵懲勸。反起惡謀。忽發順風。直抵如德亞。弗容肆害。聖人登岸。捷趨耶穌遺蹟。到一處。必追溯一處之行。且感且謝。數日始回海口。值三舟並發。兩大舟不容附載。一小舟留之。行至中流。大舟俱覆。小舟無恙。到涯。聖人感泣。仍回巴爾責羅納。從事嚴規。至三十三歲。兼攻文學等。以資講勸。一人自縊。聖人隣其永罰。求主復生痛悔。果然應聲復活。悔解而復。姪魔見

德隆服衆。僞惑士民。或流言。或控訴。聖人奉爲積功。消罪之奇緣。倍增修業。嘗期同志數人。傳教遠方。而未獲。移居拂郎濟亞。外交名士。內練性情。一友。逃色不悛。聖人赤身投入冰池。值友經過。大呼曰。汝何任意邪行。吾不忍坐視。蹈此冰凌。代償汝罰。友竟立時悔改。一友。私用金銀若干而遠去。中途病篤。遣使求救。聖人旣忘前愆。兼程步往。三晝夜始至。求主矜憐。盡力扶持。危病立安。一惡徒。欲殺聖人。持刀而入。空

中叱曰。汝欲何往。行何凶惡。惡徒顛慄泣求。聖人扶之。慰之。後雖不改。仍恩遇之。聖人本欲結友建功。乃擇智仁忠直之士共十人。同赴羅瑪。將入城。獨於僻處。求主鑒憐俯允。耶穌顯慰。許其成功。入覲教宗。試明各士。果然才德超羣。准令協同創會。奉耶穌聖號。為名。規中要旨。絕色。絕財。絕意。為進德修業。謝俗無私之首務。次以讀書窮理。廣聰明。通世務。為傳教救人之大用。地不拘遠近。人不論文蠻。事不分難易。惟

向主命而行。聖會旣立。諸友奉聖人爲長。終身聽命。聖人辭不獲已。以身以言。先衆而行。十餘年間。會友遍行薄海。化人不可數計。聖人身在宗都。居重馭輕。統應四方幾務。童幼孤兒。設義學。教之育之。貧孀修女。建大院。贍之存之。顧病慰憂。決疑拯溺。和爭排難。濟困扶危等事。勤行靡倦。一友萬里外。渴欲面晤聖人。聖人亦然。天主滿其所願。將聖人往晤良久。未見暫離原處。聖人理繁治劇。神粹形消。天主鑒其創業。

垂統。德備功全。默示終期。聖人陳請教宗。准賜大赦。遂細察畢生過愆。痛心告解。領聖體。受終油。並無大病。至期。仰誦耶穌瑪利亞而逝。年六十五歲。時天主降生後一千五百五十六年。一貞女。在千里外。目送聖人升天。尚有教訓之語。數日後。一女負魔惑衆。旁人問聖人何在。相隔亦千餘里。魔云。此係我仇。已去世升天外。郡有負魔人。日夕不寧。供聖人像於臥室。魔不敢入。仍於室外橫行。復請像於外。魔遂絕。營葬。

日有病女望親聖屍。人衆不能前。得聖人故衣。捧之
卽愈。靈蹟不能殫述。故里墓前。有求必應。四方萬國。
一視同仁。教宗照規。考究列居聖品。

宜行之德 求天主光榮

聖思 一。聖依納爵。在忙助撒避靜時。卽定終身所
行之志。頭一步。痛哭補贖之難。蓋升天。必從此起程。
非苦淚難消罪犯。個個聖人皆然。雖一生止犯一罪。
舍此不能滅除。汝曾走此頭一步否。自己不要哄自

已。並無一人不會犯罪。不煩痛悔。能直捷升天者。

一。第二步。倣效耶穌行事。為天主光榮。為救人陷溺。但世人之步。走一步。少一步。聖人之步。愈走愈多。世人之步。過去一步。完全一步。聖人之步。步步求全。未知何日走完。故弗辭辛苦。願舉世無一罪人。願普地顯主光榮。汝今何如。每日念經。願顯天主聖名。眼見親朋犯罪。漠不相關。何有於遠方異域。似此徒托空言。不能倣效聖人。還敢說倣效耶穌麼。一。第三步。

永遠結合天主之心。此步更非容易。必盡去其不合
纔可望其合。纔可望固結不離之合。故聖人全為全
力。辭開不合之世俗。專以天主之愛為愛。汝能相似
否。看來大不相同。愛天主所生之萬物。惟圖一身受
用。愛天主所賜之親朋。惟以私情酬答。不如是。不足
於心。苟如是。仍無饜足。必流於玩物喪志。溺愛喪身
而後止。夫以其心。結合人物。而不結合天主。可謂愛
天主麼。俗言點水之恩。湧泉圖報。今天主無盡無休

之恩。汝曾有一時一刻。赤心圖報麼。偶遇一件立功報主之事。就生出許多阻礙煩難之說。以中止之。可謂永遠結合於天主麼。

當務之求 爲耶穌會

祝文 吾主天主。簡聖依納爵。增協堅陣之厄格肋西亞。愈顯爾名之榮。懇祈主。賜我藉其轉佑。遵行遺表。戰勝在世。論功於天。同享榮冕。偕罷德肋。偕斯彼利多三多。乃生乃王。世世亞孟。

24
08
1919